

蔣浩容先生手書



卷二

巳巳

壬申

庚午

癸酉

辛未

壽憲堂詩鈔

四十三

四十二

又此

又二

十の



存
乙酉年二月

瓢渺而
不知所之

喻義齋少作稿

癸酉

鉛山蔣士銓

清容

雜詠

堂三十首
一掃一切人
或若其才
勤其苦
此言
不推

張帆縱大海人生頗似此風來無定理乘勢為安危飛

渡亦云樂前津渺無涯豈無栖泊心一發不可等復弱

良可免履順險則隨回頃

嗟來可調饑盜泉可叱

娘異寒蟬物性下可奪

得所欣悠然見始末所以

貧妻力操作富妻習安便不知天地心何

連蟻

此論
論已

風雅遺

淫有本性美醜異顏面豈無幽蘭姿色隨塵
冬青花雪中時一見

平疇無公田望雨皆及私豈知農夫意國家恒賴之鋤

莠恐害苗老幼不可飢旱潦托社稷陰晴誰得持

祭田祖貓虎各有司螟螣生地中詎傷皇天慈

辛苦畊者婦荷鉏饁東臯拮据赤日中面黑頭髮焦雖

云氣力薄暫分夫墾勞夫勞亦何惜所懷在良苗鳴鳩

喚時雨尔音誠嘵嘵休辭口卒瘠祇恐天聽高

所遭非伯夷誰能樂其饑有田六十畝陋巷誠可怡淵

明賦乞食放達情亦悲資身已無策抱道能勿疑嗟哉

子陽粟禍患實倚之顛願恐拂經安得如靈龜

坐言起則行惟辭以達意奈何後世賢甘為文章士于

時究何益玩物實喪志朝華夕已萎其言固多偽汲汲

揚馬徒趨與賈董異誰能握鉛槧白首僅如是

慨然出求仕各抱利物情官卑遠人主效忠安得明局

眷事趨走名宦誰則成洗齒沈下僚自視亦漸卑草木

托春暉近光生餘榮懷哉古賢達出則為公卿

古人未易及不幸有可議恒情樂攻短羣口譟然肆前

賢論已定後生究何恃百犬徒吠聲行者寧返評試存

至言

自居何
等
概也

易地思幽獨但滋愧

每善用語
筆公才
非悔何傾
注不竭即

在難煩
究存休
家數

心經

以先生
夏白
後存愧

知已得一人雖死不足傷已且弗自知擇交誰實臧人
心如槃水清濁豈有常鑑物無大明疑慮為周防月中
畏影髮愚哉涓蜀梁

羣山倚暮色秋氣從中來感觸不自明但覺多悲哀所

思渺何許意念往復回微月照古塚精魂散蒿萊每當

延佇中窮達心盡灰何術解繁憂醉共劉伶理

昊天職造化日月為旦暮茫茫一氣中何知有雲霧萬

物處卑下安能求其故仰視當晦冥竊為彼蒼懼我登

千仞岡雷雨出跬步山高有常晴茲理庶幾悟

百物出創制緬彼先民能今人良好異智力莫與增殫

心規矩中嘗愧才弗勝後世無聖賢中材奚足稱奈何

文章士小慧輒自矜

一裘足禦寒一羹足慰飢狗欲無止境愚者不為疲百

草托雨露豈待長林滋醉夢貽子孫徒令達人唾富貴

苟無德不祥陰伏之長者無耻心市竊良可為

古人重无妄今人安無恒妍媸皆可疑以意為愛憎立

志苟不固為善翻自懲困鱗思急舒貪餌遊寒暑泉水

既出山隨地分淄澠高才不信慤何用多知能

我生聖賢後立言已無權偶得心造語古人復我先落

筆輒自喜博覽翻爽然著作積三篋一朝俱

古書
往之如星

牛羊由見止方隅偏腐草承秋霜何以為壽年
甘魚乃傷人悲哉聞之晚饑來陳百羞腥穢不可飲窮
年工文辭去道日以遠辛苦迴車人途盡始知返
日月皆至明亦復相蔽虧君子互攻擊翻貽小人唾賢
良任血氣毋乃背道馳一朝潰隄防狂瀾浩無涯嫌疑
積禍患國家終受之大臣爭小忿其罪如窮奇
惡人亦好名常恐君子棄惟清貴容物奈何觸其忌怙
惡寧復惜好直將自累得為則誅之尚以禍且至緬懷
聖門徒惡訐近乎智

俗士學干祿居恒厭枯槁貴來無可為翻嗟入官早中

書苟伴食遇合那足道陸陸位通顯何如布衣老

遯世既無悶奚必身後名利物志未逮于世寧復爭大

言恐多忤聊可達死生閒居事憤激何足為重輕

蟪蛄昧春秋蜉蝣迷曉暮鷓鴣獨求明焉知棲者惡獨

坐思悄悄庭柯墜清露薄寒中單衣念之亦滋懼

出門無令顏入門多饑色君子非孤生安能不謀食覽

鏡傷盛年歲月嗟孔亟懷土實天性塵鞅未許息終年

歎行邁骨肉苦相憶鳥獸亦有羣翔回感何極日歸對

妻子脫身事耕織

萬物各處逸天地居其勞何者為造化生殺乃獨操洪

名創福官

陽執

真學道
人德

多奇
五代天向

荒闢人世變滅紛牛毛就中立尊卑賦命任所遭大患
在有身世網不可逃聖賢多寂寞我生誠秋毫忽忽百
年内未免歸蓬蒿

混沌不可復鴻鈞氣亦薄一治易一亂何如返寥廓人
生如大夢醒後更何若精氣苟不散將復有所托會當
求化工冥然絕知覺

生非不材木斧斤安得辭斲削成器具貴賤倏判之同
根別枝幹尺寸乃異宜為用信偶然天地難悉知輪轅
與屏几勞逸誰使為廢屨豈樵蕪何事供晨炊

百卉樂春華及時爭一放不知歲有寒焉存後凋想落

葉既辭樹翻翻不復上從風入秋聲猶能競餘響松栢

獨何益兀立計尋丈霜雪縱不惧節序傷已往難酬雨

露恩年二為長養畢竟君子是君子

惟智可治愚生人各有宜讀書明世務得時豈無為弱

齡入都邑傾耳聞怨咨跋涉十九年所歷皆可思攬結

半天下悉民寒與飢每觀鄉鄰鬥激發為歌詩幸有山

與川時復蕩滌之高言似無當恐為俗吏嗤抱此區區

心濟物當有時

嗟我負性剛久遊事多更閱世寡嗜好逐逐將何營譬

諸惡醉人強之尋杯鎗苟得一升酒陶然有餘醒誰能

側弁舞沈河令人輕

○遊趵突泉 限韻

濟水隱現如龍行入坎出坎絕羈勒澄波散作千萬泉
破險穿幽鬥喧寂水能上指尖本性孰鑿地竅同蓮葍
迅奮不受土脈制三窟齊開奏乃春靈源聚加一飛迸
雪柱冰山分壘壁翻疑厚軸伏機設連弩突射空中
聳壑聲隨雷出地吹葭捷比灰颺笛飛揚散落通終始
入海波瀾起涓滴曾磨古鑑照仙仗未許晴天飲雌霓
紅闌盡閣一映帶似在虛舟泛輕鷁可憐道士慕城市
注腹潺湲厭瓠甌原泉有本不可遏泥淥沙淤豈能敵
只愁此地同蜂窠蹴踏浮漚防陷溺泉水出山那便濁
請看萬戶爭餘瀝

○龍洞山

拔地立城郭壁面四圍俯地底開龍祠山根蓄風雨傾
洒有餘潤卓犖無寸土石裂草木出風過丹黃舞橫嶽
簇細竇亂鴉奪門戶龍君對開豁東洞側破釜避秦竈
火絕陽和至今貯西洞受朝曦貫壁徑可取天眼一斜
穿暗漏每奔注誰留面壁相灌頂愁潑乳半規透旁隙
僧引前列炬打頭識硤確漬衣驗沮洳入穴適蛟蜃脫
躬全鳥鼠兩崖兩扉抱一峯一屏豎徘徊壽聖院摩崖

念初祖樵歸客始炊烟起鷓微怖深杯吸靈恠倒影怯
蛇虎茲山未云深昔至人已古馬蹄遠暮寒出谷即猶
午

佛峪

出山循溪轉細路通巖坎攬轡秋林間人馬俱蕭蕭前
岡變壁立危仄虛空飄呀然虎豹口似欲因風嗥不造
西巒顛豈知山靈豪兩肩開四圍一臂伸中袂扼腕綴
僧屋亭小當拳高何來瀑布水挂練藏山腰錦屏隔橫
岫雨工不可招淙澗墮深塢疑是垂龍涎啜茗夕陽際
坐數前峰樵雖與人境遠城市非迢遙僧老未逢官誰

解山林嘲

千佛山

隔城愛看南山層石屏橫展青稜稜出郭五里連平塍
中央細路直若繩長林側轉立一僧攀躋愈覺山峻嶒
田家笑容如蟻升樓閣挂壁嵐蒸戶牖羅列紅墻絙
鏤山作佛龕竇承蜂房燦：琉璃燈白日不照寒氣凭
巖前膜拜佛下磨座底龍洞碧乳澄是有龍誰得嘗
巒頭軒小宸賞曾闌干昨被秋雨萌華山拔地秀色
凝鵲山藥山相儕朋秋容婀娜皆可矜妙手故尔煩吳
興秀兼吳越非譽稱平疇萬頃溝洫仍傳聞舜耕語莫

是仙眼

憑地志母乃好事增茲山後與泰岱乘跨脊躡齊他時
登吾師遊興誠有恒一日一來吾亦能

晚遊古歷下亭

限韻

春水淥波平下瀉門外上船亭外下偶經御宿一攬
結佳氣隨風動簷瓦層軒虛敞納湖色展拓空明入平
野誰添畦畛界碁局區畫湖冰未全打北地由來重烟
水倒涵城郭真瀟灑林腰倘肯着却店應有遨頭弄杯
筆晚烟着樹境俱遠水風吹面顏生赭坐久翻疑屋是
舟林低忽露山如馬笑聲隔岬亂清磬且復迴篙叩蘭

若

北極閣
在北岸

北極閣

限韻

城內千頃綠城外千山色映帶城中十萬戶琳宮一覽
居然得眼前足底恣挹取眺遠何須更踰闕茶烟裊
出牕戶神燈照神神盡默須臾寒月散松影隔水茆茨
渺難即天教使院落湖側扁鑰心常愁偏仄徑須買取
沙棠舟夕泳朝游水精域試向城南望城北山郭人家
居澤國

會波樓

限韻

人語散飛鳥身在城北樓表裏氣象殊萬態供冥樓眉
際兩峰矗勢欲因風浮其間戰鬥地繡錯交良疇稻登

神于起

神素

土逾潤春氣膏腴留清潭澄遠林村舍舍深幽裊裊炊
烟中冉冉征途脩入我浩蕩胸醞釀何油油倒身視城
脚燕尾開双游始知百頃湖出郭東西流雲淨眾山定
葉亂羣鴉投日斜倚虛籟吐氣成高秋茫茫眺遠目一
縱不可收

西谿梅隱圖為沈孟公題

萬梅高遁西谿中不屑湖上隨飛紅近探尚僻遠曷從
筆植墨溉移天工槎牙到眼不可折是人足花百鍊鐵
隱君鬢絲白過雪携之海畔尋子由安得同卧花間樓
吁嗟予季勞山頭令弟椒園觀察
有勞山吟眺圖

九言題熊肖石海峰日照圖

君登蓬萊閣上看日出我來見君海岱惟青州風濤欲
出未出在襟袖開卷日色海氣俱油油夔蛇風未易
擬方寸一泓海水雖大同浮漚誰為陷此坤輿劃中外
龜鼉魚鼈百恠相沈浮三山縹緲可望不可即五城恍
惚誰見神仙游托身荒遠當與靈窟近梯航至者蠢尔
多倭酋得無陽鳥地底不得出假此空濶欲上穹蒼遊
朝曦夕照仰視無定理俯瞰得不反此為明幽蛟蜃唏
唏噓歎欲太狡獪日光激射猶可成飛樓一峯老蒼居
然絕倚傍挿脚混濁不肯為僂偃天吳暗突山靈毋乃

奇思妙
理是
題副

矯潮洑震盪汝亦將奚求海中之山歷歷似螺髻有時
龍女鏡裡迴清眸雲烟變滅無數相對愁徒見猗颺駭
浪無時休古人夢飛貼日亦偶爾鯨鼈欲釣可惜無長鉤

檜門先生書顏氏家訓一卷寄澗南中翰藏于家
命士銓書後

胃為邱陵作字如草木本根要待詩書滋點畫萌芽視
土脈勝地甲圻無凡枝名家體製各自得其人深淺恒
肖之品高學富始絕俗脫去畦町無常師吾師好學癖
嗜古饜飫萬卷猶苦飢一載星軺歷齊魯訂證史籍搜
穹碑那須三宿枕籍玩自覺四壁星芒垂閒中遣興媚

唯活古

杜二種論書
都主到此

幽獨心正不使豪端韻遠穉中含靜者氣斌媚別具端
人姿練扁懶贈羊童子家誦特錄顏之推流光積厚極
古雅趣溢象外分豪釐寶墨藏家自足守退筆作塚將
奚為後生慎勿愛野鷺玩詞觀字皆矩規

得饒二齋南元旦生子書用少陵赴奉先縣咏懷
韻作五百字寄之

楚士負勇敢鐵劍近已拙駿馬不可市毛縮力需契登
岱瞰塵海浮雲一何濶東遊漸忘疲雙眼得軒豁百憂
爭歲寒飲冰却中熱好學轉自笑立志尚貞烈感舊念
良友如以影隨月窮達聚苦難岐路翻屢訣憶昔見君

後之從肺腑
中出此
已乃社之夏

東伏聖在
更不待言

日文彩動列缺大旗樹深壘同學莫與奪予時蚓鳴竅
竊敢鼠鬥穴共充觀國寶輒欲涉海渤巍哉承明廬餘
子後先謁君當青雲騫我方白鷗沒釋服赴春官慷慨
慕風節擊鼓一再衰全軍為悽絕感君酌我酒浩歌石
俱裂慘淡話深夜清泪泉沆發南瞻念慈母衣上線猶
結別汝浩然返軒衡倚巖嶮閉身鷄栖隘轉軸豨膏滑
歷塊從友生高咏相和曷往復齊魯地車馬日膠轄山
川一留滯朱紫襍毳褐故鄉渺何許骨肉夢中出豈無
擔石儲常恐甘旨闕來書報生子呱呱須乳活且復慰
母意誰能計凡物喜極痛我翁悲恨轉慄慄須臾得君

信蘭徵應側室春臨萬象啓怡產珪璋質房櫬霽氤氲
祥風動柔瑟家人湯餅筵佐以合懽橘遙知渥注種中
具麒麟骨他時守遺經祖德定能述而翁本大儒生見
齊軼轍當翁教授時高名泰華兀五鹿角嶽嶽獨忌朱
雲折著書沈下僚儒林為勃率以茲君兄弟擣藻競飛
越顧予情懷惡兀坐孫康雪為貧誠可任恐類鳩止渴
展書觀往古悠悠見始卒思親未能養對食敢遽咽東
髮歷險阻叱馭度九折人生駒過隙榮辱皆倉卒樹立
求可恃小善詎矜伐沒世名不稱尔我固未嘗辛苦孔
仲山饑為新野卒虫虫竈下蟲十日非鷓撥

關里

城樹周遭綠。宮牆萬仞懸。靈光榮草木。道氣長風煙。族
聚門人裔。庠分弟子員。欣。靈。紅。杏。雨。來。及。暮。春。前。
皇天遺一老。獨許世家存。道德開時運。榮華及子孫。就
瞻車服古。却忘帝王尊。應笑哀公諫。空從歿後論。
林廟無今古。江山自草除。周公不復夢。宗國久成墟。天
欲斯文在。君看歷劫餘。泠泠洙泗水。長繞聖人居。

子貢手植楷

虬枝夭矯蠹不蝕。入地孤根一千尺。圓紋碧繡青銅錢。
良材以性出。橫直大賢昔。登至聖堂。聰明高軼由師商。
心喪廬墓去。獨後手植文木如身長。霜皮雷雨數千載。
一一老幹蒼龍僵。風雷直遣鬼神護。斧斤敢等山林傷。
不親其人視其木。樹表若見神洋洋。我聞先師手藝一
株檜榮枯。遞變濃陰大。貞祐一火不復留。孫枝獨挺元
人代。乃知聖人精氣照。日月區區劫灰不敢滅。弟子精
誠亦若是。封樹長教護。碑碣即今鉄幹撐。挂生機存老
蒼。突兀涵春溫。苔花香結古。雪氣跼色。潤帶秋霜痕。行
人下馬攀喬柯。作杖戒暴如人何。先民遺植得親炙。帝
王展謁爭摩挲。吾儕小子生也晚。望古常憂去聖遠。嗚
呼。聖賢手澤千年萬年求。不枯不見。姬公塚上亦有西

周模

曲阜使院悶作中號戲呈同人

驅馳真笑旅中忙一月移居一束裝籃筍隨肩排雁陣
官齋由客占蜂房燈寒各據東西席夢遠平分上下牀
那得全無窮達感與君料理鬢毛蒼

參差土屋藉茆簷積案輕塵衽袖霑暫住也如鴉選樹
深藏時學燕窺簾盤餐勉食甘猶苦春袷儂寒減復添
一樣長門恨淪落銅魚無奈漏深嚴

送蓀谿

西向長安笑驂騑又過都風雲期自有游俠市應無入

世蛛懸網藏身客隱壺年來同病馬各各厭征途

張素却由鉅鹿移守保定却寄

邢臺清苑盡堯封呼吸依然帝座通百雉離天終尺五

朱幡真傍日邊紅

鹿引雙轅未許扳柏人應鑄使君顏由他京兆誇頭地

自領中原刺史班

五馬驕分御史驄雙旌婀娜勸春農裙腰綠鈔清官店

太守依稀似盛顛

朱顏典郡劇風流官是才人政自優合泛城南書畫舫

亂荷香裡坐張柔

好年
顏

鉅鹿曾尋豫讓橋。蠡吾幾度覓荆高。而今俠氣渾銷却。
磨鏡門邊賣寶刀。

破帽歌斜滿面塵。黃鷄白晝聽酸辛。那堪三十明年是。
歲。勞他鬼笑人。

憂患頻經一第難。填胸百感異前番。直須歸去將慈母。

孺子亭東學灌園。

舊宅秋燈閃暗螢。醉斜烏帽怕重經。人生去住如風絮。

半入珠簾半作萍。

送龔鳴玉赴京兆試

五十力學心有恒。尚友不願時人稱。守雌恬然抱六籍。

不聞慨歎嗟沈升。眼穿幽奧灼兩炬。利爪獨出如饑鷹。

羣儒是非劇聚訟。平反折獄君才能。析疑辨難得未有。

貫穿竒快皆有徵。名高數致卿相薦。命達苦被文章憎。

鴻詞經術兩黜落。聞者一一悲填膺。長嘯君翻客齊魯。

秋燕入幕傷羈鵬。尋師我亦擔竹笈。促膝復作同聲鷹。

吾儕廢書喜耦語。君獨把卷親明燈。朝吟夕誦忘寒暑。

兀坐注視頭鬢髻。篇章膏液漬腸胃。世上機械容何曾。

愛君憎君那足較。但覺俗士同蒼蠅。骯髒余方極嘲戲。

強君諧謔除畦畦。寸陰暫擲君重惜。得閒即逝如脫矰。

憐君神弊眼力暗。奪君卷軸竊視仍夜闌。酒酣仰天笑。

指畫星宿揮以肱冒暑今將逐秋試結束巾卷雙行騰
趙人尚女齊尚子醫能從俗藥可憑朝廷東觀坐晁董
肯讓餘子紛騫騰明春尋汝肩重凭發硯應見鋒稜稜
吾聞越人見常見者喜不勝况我與君西南朋

寄金澗南中翰及進與見清

鍛羽尋巢倦選枝秋聲和泪入墳箎非閔材大難為用
自是珠多偶被遺泣玉倍增前度感看花已悵十年遲
昔賢底事求三釜不是同心搃不知
故人猶記沈腰羸宿草今為水部悲謂為聞有遺孤藍玉
似負茲良友素車遲過門腹痛情何已感遇愁多醉不

辭剩有山陽如雨泪東鄰橫笛莫教吹
燕臺再把荆高酒星權曾分李郭船執手看君如昨日
對林聽雨又今年趨庭詩禮見曹慧留客盤餐嫂氏賢
難得相逢容易散夢魂迢遞落齊烟

寄家書

三十潘郎鬢欲斑黑貂留雪天空還胸前應解宜男草
加上尋香似月環甘旨累君勤績維才名負我滯江關
年年未得眉頭展無復當時鏡裡顏
蓬鬢銀釵賣已完猶存翠袖倚琅玕將雛紫燕孤栖慣
返哺驚鳥比翼難別夢頻年都潦草家書兩字是平安

哀而誌
乃玉色
有

憐人只有經天月。夜夜空階照。永歎

秋夜

厭聞擊柝報嚴更。風慢欹斜一榻橫。早識愁爲無底物。不堪秋是可憐聲。園蔬摘後餘瓜苦。襪被東來感鶴鳴。一樣家鄉歸未得。馬頭西向雁南征。

場上魚龍任偃師。夢中蝴蝶亦堪疑。春泥滯我輪生角。秋杵驚人粟在肌。寒月乍明燈暗後。亂蛩爭語夜深時。東鄰熟睡西鄰醒。各樣情懷各自知。

與張吟鄉秀才夜話

絳帷真愧受知先。蓬轉星移感八年。忽漫雲霄隨漢使。

學茅四卷

卷下

劇憐毛羽帶齊烟。杏壇花潤經重蔭。蠶箔春遲已再眠。便覺輸君朝氣盛。畫樓初日較鮮妍。

百鳥喧啾鳳一聲。風人咳唾有餘情。文章爛熳徵同氣。桑梓迢遙慨寄生。茗水出山俱澹沲。楚材晉用各縱橫。師門對誦虞翻語。已覺當時感激平。

敢說披沙揀獨精。光含金屑自熒熒。

六月廿二日得吟鄉試卷呈
檜門先生數賞置第一

偶經

接引蓮燈照。終托如來慧眼明。妙悟天花須解脫。大千龍象自崢嶸。清裁麗則紛流派。推激風騷是正聲。

寄饒二霽南

君生庚子我乙巳。少君五歲為君弟。我為山礬君為梅。

當時接葉參差開寒香向春脫冰雪病盡背日依蒼苔
三年一見齒繁心不問苦樂各看面朱顏雖後蒲柳衰
壯氣頻隨風雨散我懷未訴別奈何燕市買酒尔飲軒
古來失路萬人泪斷續滴作桑乾河一載東征發長歎
襖被霉痕秋雨爛可憐玉尺非我有亦復丹黃矜爛熳
遙知瑣院異今昔時分校京兆闈隔牆舊夢應零亂
底珠梓人曾泣溝中斷使星照眼數同輩幾處門生侍
清譙絕倒嶽嵒寄歷落人下向京華騎款段

題縹緲集

楚天雲雨那須疑壯氣飛騰托艷思不信才人都好色

可知名將定能詩紅蘭碧杜情無極翠羽明珠感絕痴
免得隄麋磨看鼻將軍生幸太平時

山寺

炎風吹不到臘雪嵌空明寒色經年聚僧樓永夜清客
來尋虎跡鐘過失泉聲惟底龕中衲安禪少俗情

大明湖櫂歌

冰壺署貼水雲窩皎月湖光與盪磨官燭下船衙鼓歇
出門十步是烟波
半折朱標卧綠苔殘荷猶傍畫闌開迴廊轉側看人影
時有青裙打槳來

水神祠宇俯朱垣。擺列南山畫幃懸。試上樵樓轉身望
北門。秋在離華邊。

會波樓下水閣深。門內高橋似闕橫。一角水却數節屋
暗移汀。嶼入山城。

北門鎖鑰不教開。水閘潛通灤水隈。不若迴舟向西去
離華橋畔看碑來。

中丞繡闥閔離宮。錦浪南流水殿通。誰識霜前一林葉
從風曾作御溝紅。

歷下城中半是湖。居人分水種菰蒲。從教兩岸添臺榭
得似秦淮子夜無。

敗荷枯葦入樵薪。殘臘新年興可乘。湖面十分纔露出
九分湖水一分冰。此下丁刪

南岸天心水面亭。御碑中立影嶙峋。若安戶牖除榛蔓
便可風簷坐酒人。

王公薛公同荒祠。草滿香爐蘚滿碑。剩有清風被湖水
可憐遊者未能知。

北極閣前游女多。芙蓉泉外濯纓歌。不知名士軒何處
秋月春花奈此何。

名士由來說鄒魯。美人自昔數姬姜。如何一樣垂垂柳
不似江南解斷腸。

勞山吟眺圖爲沈叔園觀察廷芳作

官近蓬萊自可仙。公餘登眺亦前緣。塵中自古閒人少。
一望勞山一慨然。

畫裡山從海上移。幾人名宦興如斯。吟聲直掣鯨魚起。
想見先生曳杖時。

挿笏浮螺島嶼連。平鋪海色盪齊烟。何須身到蒼茫裡。
略認風濤已浩然。

未向登萊逐勝遊。愛從海客話瀛洲。披圖不道詩人瘦。
衣上烟嵐爾許稠。

題徐蓀谿看劍圖舊照即送赴京兆試

劍圖

匣中三尺水。眼中一斗泪。君家故物世罕見。鑄之或自
延陵季廉錐。錚然淬霜雪。削鉄吹毛只餘事。當今山無
長蛟水。無兕干。將雖神何足異。沈埋莫道津可躍。磨礪
寧爲時所棄。玉龍在匣光十尋。土花血鏽不敢侵。酒酣
卷袖試一舞。白月入電寒森森。是人。是劍。兩奕奕。刺促
相看復相惜。長歌當哭笑亦苦。烈士悲來翻大噓。聞君
挾書未肯干公侯。君今復作長安遊。張華定識斗間氣。
獻之。天子隨琳球。我踏齊烟與君友。蔗杖盤拏鬥身
和局。脊真傷壯士。心酣呼欲取。仇人首畫圖。面貌已非
昔。寶劍年年照顏色。竒擊已足走魑魅。利用何須求盜

賦丈夫六尺軀堂堂精神意氣含冰霜他時許握青萍
去誓與吾君擊大荒

秋日寄懷張驄士黃心六德州

勞筋真似服轅駒霧鬣風髯歷塊餘夢裡轉迷三日路
客中相憶一行書踈燈別館蟲聲苦露井荒垣月影虛
誰念閉門秋雨後杜陵林下欲生魚

歲月驚心旅跡羈天涯索處倍難為遙憐官燭攤書夜
還似湖雲入硯時初日清華爭及尔盛年漂泊已如斯
鵲山寒食明湖雨只有來鴻去燕知

八月十三日遊濟南城西張氏漪園

勞人出郭馬脫銜厭聽市語聲喃喃那知湫隘閩泉石
展拓人境亭臺嵌入門水木露明瑟坐見石齒流漸漸
樹根煮汲響爭沸清味注腹殊酸鹹軒階向背合疎密
露臺俛仰皆可覘清濠如練拖城脚女牆側放秋山尖
虛堂曾與駐青蓋亦覺花木增清嚴下臺緩步倚方沼
投餌一試羣魚饒背廊覓徑最幽邃樹隙日影浮襟衫
主人世守妙結構已知胸次異俗凡名泉隨地湧珠玉
玲瓏但少青嶼豈無達者戀邱壑盛名清况知難兼
上馬欲去柳拂面僕隸何取俱迴瞻

再遊趵突泉陪檜門先生平橋觴月

斜陽數騎投精藍。借遊不啻新倚驂。如逢舊書讀未厭。
勝地豈惜重來探。秋林增爽葉初脫。積潦稍減光猶涵。
種桃道士解相識。登閣梯級行能諳。須臾日落暝烟散。
琉璃一點明花龕。此時見月不見水。客影泉影俱成三。
瀑響琮瑤境逾寂。酒鱗激灑顏微酣。舊遊如夢憶南國。
歲華八易吾何堪。丙寅今夕小燕建昌萬年橋追話惘然百年快意豈多得。良夜若
此能毋貪星河入簷照。虛殿風雨滿耳鳴。空潭隔城簫
鼓出。瑣院矮屋多士眠。春蠶據鞍入郭倚薄醉。街衢燈
細嘶風驛不須明日計。晴晦歸來熟睡蝸牛庵。
從檜門先生入武闈喜晤同考官吳雪軒祖修鄧

眉州瑛牛郁菴宗文韓湘巖錫胙有作

隨地清光湧月輪。冰壺分住亦情親。冥鴻欲去還留跡。
駿馬能奔定絕塵。五夜星芒交劍彩。一時猛士襍詩人。
暗中忽現朱衣影。我是文昌座後身。
繞樹猶看未定鴉。寒宵鷹隼欲盤拏。平分武庫煩青眼。
得傍文星隱絳紗。別院蜂房開戶牖。青樽銀燭話年華。
閒人几席重閑月。聊為諸君岍嶺傾斜。
分明小社結鷄豚。清讌過從勸瓦盆。暫脫簪裾寬禮法。
似偕賓從閱晨昏。食單餽飭候鯖味。瑣闥商量薛卞門。
認取他時圖像者。看頭磨墨那須論。

三
三
三

三十首

栖遲聚散本無憑。南北東西逸氣增。三度風簷一追憶。七年同輩幾飛騰。天涯舊譜論兄弟。座上通門得友朋。一樣勞筋成小憇。故應留戀短檠燈。

歷下感懷集杜三十首

出門日已遠。昨夜月同行。獨鶴歸何晚。秋天不肯明。哀歌時自短。心蹟喜雙清。風物悲遊子。愁連吹笛生。弱質豈自負。吾生亦有涯。歸心異波浪。遊子出京華。暝色延山逕。江聲走白沙。歌長擊樽破。得醉即為家。相閱征途上。慈顏望遠遊。寧聞倚門夕。減米散同舟。碧海真難涉。蛟龍不自謀。蒼茫問家室。庶用慰沉浮。

集句雜
百起勢

詞賦工無益。誰憐醉後歌。居然成濩落。亦恐歲蹉跎。沙汰江河濁。叢長雨露多。紫鱗衝岝嶸。力小困滄波。九月猶絺綌。安貧亦士常。綠雲泥滓盡。風逆羽毛傷。仰面貪看鳥。論文暫裹糧。斯人獨憔悴。真宰意茫茫。白日亦偏照。關山空自寒。衆人貴苟得。吾道屬艱難。秋水清無底。窮愁豈有寬。平生飛動意。雙照泪痕乾。迴首載酒地。通林帶女蘿。人生不再好。吾道竟如何。親故行稀少。寰區望匪他。燈花何太喜。月傍九霄多。所向無空濶。清光應更多。猶疑照顏色。且得慰蹉跎。軍吏回官燭。深江淨綺羅。沉思歡會處。猶有泪成河。

十字妙化
中使已出
六復子傳

生妙
疑巧閑

放逐寧違性。家貧仰母慈。栖皇分半菽。捨此復何之。水
靜樓陰直。叢卑春鳥疑。師資謙未達。從此數追隨。
海內此亭古。他鄉且舊居。秋蔬擁霜露。平野入青徐。靜
者心多好。人生亦有初。故人供祿米。看取北來魚。
客睡何曾着。相思泪點懸。清琴將暇日。歸雁喜青天。所
歷厭機巧。相留可判年。浮雲連海岱。自有一山川。
懶心似江水。自憐猶不歸。潛鱗輸駭浪。水鳥自孤飛。文
物多師古。榮華有是非。徒勞望牛斗。寥落寸心違。
層軒俯江壁。萬慮傍簷楹。天畔登樓眼。秋來為客情。山
風猶滿把。烏鵲自多驚。語及君臣際。中年召賈生。
自古有羈旅。予藏異隱淪。不知雲雨散。直取性情真。人
事傷蓬轉。無心耻賤貧。悠然想揚馬。北極捧星辰。
古來聚散地。忍對百花叢。遲暮身何得。關河信不通。饑
寒奴僕賤。質朴古人風。壯惜身名晚。長瞻碣石鴻。
羈旅知交態。淹留見俗情。聖朝無棄物。旅食豈才名。妙
譽期元宰。途窮仗友生。青冥却垂翅。作意莫先鳴。
態與鴛鴦異。公才或守雌。別離知不久。賢聖亦同時。薄
俗防人面。論文笑自知。高名前後事。勸醉欲無詞。
議論有餘地。經書滿腹中。斯文亦吾病。相賀以成功。洗
眼看輕薄。分曹失異同。巢多衆鳥鬥。愁坐正書空。

告歸常局促愁外舊山青玉國稱多士孤槎自客星功
名不自立醉舞為誰醒氣得神仙迥書生已勒名
用拙存吾道此生何太勞相逢雖哀哀回首興滄溟百
鳥各相命孤飛卒未高夢歸歸未得汀草亂青袍
十口隔風雪長貧任婦愁幸蘿補茅屋會笑看吳鉤自
顧轉無趣真成浪出遊何當擺俗累從此具扁舟
慈竹春陰覆閨中只獨看思君令人瘦對食不能餐湖
鴈雙雙起山雲泚泚寒因聲置驛外持答翠琅玕
骨肉恩書重深情托所親艱難隨老母感激異天真精
理通談笑文章實致身神仙才有數寄語北來人

天用莫如龍青袍也自公經綸亦俱存談笑偶然同慘
澹風雲會淹留戰伐功試看之子貴名玷薦賢中
獨耻事干謁江湖興頗隨寒魚依密藻宿鳥擇深枝之
子時相見神農竟不知浩歌彌激烈道屈尔何為
不成向南國留滯敢辭勞鶴鶴追飛靜魚龍偃卧高山
林跡如掃詩態憶吾曹何日霑微祿懸崖置屋牢
相逢成夜宿久坐惜芳辰遠客驚深眷儒冠多誤身田
園須暫往龍虎未宜馴束縛酬知己乘時各有人
爽氣不可致春城海水邊不關輕黻冕何以報皇天同
調差堪惜將詩莫浪傳故人何寂寞無計劓龍泉

名豈文章著飄然思不羣誰能共公子不必作參軍帖
石防隕岸低空有斷雲羽毛知獨立持以奉吾君
東岳雲峯起高風捲旆旌從來多古意何得尚浮名霧
樹行相引春風草又生江山如有待鞍馬去孤城

鳥影度寒塘

漫逞投虛翼微風好自搏亦知天水濶終覺羽毛乾着
眼迴翔共修翎對語難寄身忘物我聊作鏡中看
翾健凌虛便潭清拂羽輕升沈隨往復色相本空明未
解魚龍卧何知風浪生翩翩防失足高處慎飛鳴

歷下感懷給諫座主馮先生

哭寢難寬十載情九原遼濶旅魂驚待酬風義知何日
便服心喪過此生會葬實慚東漢士傳經虛負汝南評
夢中曾倚修文案長歎聲中泪雨傾

遺孤依母兩終童枯樹寒鴉繞殯宮身後可曾千卷散
越西留此一家窮河山彩蝕文昌宿臺省人思御史驄
宋玉年來苦搖落招魂親到離華東

到京晤蘇德水遇龍同年

久別簪重盍相思夢乍醒誰知秦博士已注佛名經旅
食還如我浮踪亦似萍渭城君解唱只有故人聽
一掬窮途泪魂消古戰場止寧臧氏沮醒亦次公狂顯

晦秋河似飄零白日長請看憔悴客容易負年光
三十行年共青袍不復新且沽燕市酒一醉隴頭人客
久交逾寡官微仕益貧天涯舊兄弟一見一回親

除夕過太常金先生宅守歲

官閣紅爐懶去圍朝衫獨擁坐忘機不辭冷澹今人笑
自覺喧闐本性違日走蘭臺聽畫鼓待隨仙仗拜鸞扉
宰官身是維摩現曾否天花一着衣
一度年光又此宵旅人懷抱感漂搖分明閱世同游戲
耐可尋師慰寂寥終歲齋期心自語一燈吟卷坐無聊
誰來共酌先生酒只許彭宣醉絳綃

息羽頰防弋者窺相親何忍說相離

前四夕移寓王氏宅

移巢燕似貧

華屋統樹烏仍戀舊枝雪案開從嘗膽後牛車來及退
朝時拈花底事微微笑迦葉如來各自知

脫穎曾勞國士知星槎處處載書隨崑岡玉感孤峯拔
長勺軍慙再鼓衰駟馬虛疑題柱妄一環應歎報恩遲
前津幾許收帆際愁絕風檣半渡時

爆竹聲中歲兩更懷鄉思母豈無情長安客有終身住
百感心同一夜生塵世華年喧夢螿朱門歌舞鬥侯鯖
誰知冷屋燈檠畔遊子悽然坐到明

補遺 甲戌

和饒二雲圃雪牕見寄原韻

春寒夜縮捲林龜龍公試手無人知虛白生疑牖間積
布毛起瞥空中吹無衣怯下管寧榻有夢正剝李迪髻
那知內翰厭朝寢獨焙凍硯融輕澌詩成禁體索我和
白戰直欲乘人危空齋攢眉方篋算殘編堆案如棼絲
層冰剝鏤完何益退筆飽蘸無能為豈如綠憲啖爐芋
玉堂文史君抱持俚寒對飲琥珀釀屏風自倚芙蓉肌
伊嗶孰當蹇背客局但我亦雞窠鬼刺繡真慚倚市闈
逢羊豈暇憂農時衝泥難曳阮家屐扃戶始下江都帷

涓流徒想潤督井一暴那得迴春姿
誦君硬語未可敵
蔡州軍氣酣淋漓
狡焉尚款洒餘墨
一一鷗影橫前墀
跳梁偶效逞殘暴
冥陣莫更征昌披
玉帛室虛鏡
帝竭師來惟有不介馳
臆曦漸出待炙輶
簷雷可聽思浮危
君應出較謝莊袂
盧前王後相肩隨
開門大笑兩眼白
茫茫一望吾何之

周汜東

灑

編修引假南去登金山遊
眺出坐寺

門松下而歿事聞京師各弔以詩

浮玉螺烟刺眼青
衲衣誰果乞山靈
登樓人影高寒出
落手濤聲上界聽
逝者如斯心自省
歸歟何處夢初醒
無湏石上尋僧語
笑指來舟一葉萍

頓覺塵緣一點無
文星當晝落江孤
已拋隻履忘枯葦
能正斜衾賴老奴
入世何憑終化蝶
事親難得那如烏
誰齋鏡具稱知己
只中泠水一區

西清伯仲泣鴿原
紫陌青雲憶共騫
龍出瀛池先失尾
鶴歸遼海豈無言
文章白雪傳圭璧
子弟烏衣接鷺鷥
成佛生天等閒事
不勞宋玉與招魂

宰官身幻現仍歲
木榻趺穿兩膝當
舊座還依金粟佛
新祠宜配水仙王
風烟自可全靈氣
富貴誰真返故鄉
料得家山潮起夜
泪痕多少落錢唐

西陲集府

此句字用

婦子亦有初

學可刪

壽萱堂詩鈔

甲戌

鉛山 蔣士銓

清客

○○○ 明諸生贛縣劉盥而先生觀光守城詩今侍御宗魏

曾祖考也。

所不敢忘君與父所不與立豺與虜猛獸噬人公力可
 禦官兵逃賊兵聚民心洵官閉署公援枹鼓守茲
 土民啜其泣力乃固惟我與爾赫然怒城完公不為
 降城破公不為虜樂哉家人殉于渚四十餘屍祭可
 數入水不濡猶有婦喚公借意公撫興王復仇慶
 堵首嗎之粟何必吐平生所志張與許頭上儒冠一何

腐搔亡城隅望樓櫓。白髮遺民心獨苦。

○胡孺人志殉詩劉盟子先生妻也。

○登城不若娘子軍。殺賊不及木蘭氏。夫夫殉國婦殉

夫。嗚機話夜家人喜。一城如斗百夫守。偉哉劉公好

男子。睢陽食盡不可據。豈是當時無壯士。惜哉孺

人好。女子投淵竟率全家死。降旗紛。天地怒鬼神

暗攫孺人起。劉公成敗書生耳。食祿偷生安足比。

○霜中劫灶兩獨活。賃春鬻餅悲如此。嗚呼宋亡有

一江。萬里鄱陽止水屍。同止新鬼相尋四百年。又得

劉家一池水。

○上元後一夕陽城陳雅堂入西山訪令弟樸軒作詩

奉東

正馬入山翠。春煙第幾層。探奇兄覓弟。習靜客

依僧。聚散憐雙影。行藏話一燈。今宵飯蔬筍。應勝

醉曹騰。

片月青天出。當杯不可呼。寒光通佛火。禪味入齋

廚。身外浮雲在。山中物候殊。泉聲似風雨。還念

對牀無。

戊辰曾為雅堂明府題風雨對牀圖

我亦傷心者。樞。髮欲凋。老令懷稷契。未許狎漁

樵。氣短三錢筆。歸尋蕙里橋。年光若飛鳥。爭遣

起句居然
太白

客愁消。

草草憂貧計。相逢皆如。福已無。千古事。重負十年。

書。遠者復何慕。塵緣難。遽除。養親如有粟。應覓

好山居。

志在何事。憐他仕宦心。無求任窮達。多感怯登

臨。豈謂青雲近。真愁白髮侵。每說泉石。惟有

夢相尋。

題趙方白亡羊圖

雞尸牛從兩非策。奇氣淋漓收不得。喪羊无悔角未羸。

決藩退遂君猶克。奈何戴笠稱老夫。飽食癡龍第一珠。

愚人尚戀蕉底鹿。壯士難挽隙中駒。一竿裊々平原裡。口

誦六經如瀉水。笑驅雨工行復止。聊共相羊風日美。大道

多岐誠可憐。補牢雖晚尚及鞭。養生有法視其後。多

方喪生古則然。腹中一斗文字液。年來吐作南山石。魚

羹厭啖大官厨。姓名怕說梁園客。方白為德却上客已收山海作

鬚眉。拈髭自唱豪遊詩。每當快意一鼓掌。不覺萬物

從指揮。平生儻蕩適所適。今是何必昨。豈非得馬。豈福

失。豈禍可惜。老瓶聞不知。君不見。處處春郊牧人夢。

寢。訛降飲相騰。縱任尔鞭。如鼓鞞。我似乘龍鞭不

動。

送汪禹績同年歸鉛山

數詩俱清而厚

夕陽無語數歸鴉。又向風煙裏馬過。一夢終醒看白晝。三年真悔讀南華。自緣缺月遲。滿不怨浮雲。故遮此去。停舟避鄰舫。感人清泪是琵琶。

空谷求音杳莫傳。後生如此遜前賢。事非極盛何難繼。天愛斯人亦有年。喬木幸能禁雨雪。歸雲直可怨山川。七年愁鬢三更酒。依舊相看一黯然。

柴門去看稻花稠。卧讀應騎隴畔牛。忍泪歸彈先子墓。牽衣來憶昔年舟。深交與尔真韓孟。高第憑誰繼費劉。一樣遭人紅勒帛。清風岩下水悠悠。

馬狗衣鷄撲面塵。十年筋骨等勞薪。饑驅氣藉詩書。長遊倦心惟骨肉。親離別何堪。為此態。姓名爭笑不如人。北門虹影鷺湖月。愁絕相如返蜀身。

萬卷重開五夜燈。秋山堪並骨峻嶒。難窺天意時應待。無益才名鬼却憎。志氣年華俱可惜。神仙富貴兩無憑。躬耕我欲將慈母。安得邗南水一塍。

為休寧戴律諧題畫蕉。

暑退涼生坐對宜。風衫長袖任離披。皺痕若著三分雪。何異袁家閉戶時。

山鬼衣裳薜蘿。風刀狼籍亦婆娑。試燼千蠟當紅燭。

清泪如鉛那處多。

昔年快使如風筆。曾向曾。寫綠天。欲共丁香說愁緒。春

風如此亦堪憐。

正好憑他喻病身。隍中夢醒未分明。不如捫却愁人耳。移

種空階助雨聲。

澄懷園漫興書寄盧右禮先生及饒霽南編修吳

頡雲秦鑑泉兩修撰時諸君子奉勅寫文選共居前

軒

花氣醺人若酒濃。游絲千尺繫孤踪。抽豪畫學金華語。

伏枕宵聞閨苑鐘。帝座崔嵬知不遠。仙源宛轉故相從。

分明碧落紅墻畔。竟隔蓬山一萬重。

池館幽偏韋曲如。一条銀漢護清虛。偶同萍梗因風到。得

共文星倚水居。彩筆干霄接前字聞給札。踈簾垂地見抄書。

誰知水木清華裡。亦有頑仙卧綺疏。

袖中無刺謁公卿。贏得朱門倨侮名。客至芳園仍寂寞。月臨孤館倍分明。絳紗心戀彭宣酒。綺陌將尋莫缺畊。輸與諸君詞賦手。江關愁煞庾蘭成。

寄番陽徐石田

料得柴荆雀可羅。難憑風雨起龍梭。才人任俠黃金賤。薄俗酬恩白眼多。煮字須焚鸚鵡硯。烹雌莫和戾戾歌。飢驅我吹篴客。十度為君喚奈何。

由來涸轍遠江湖。魚異凡鱗豈便枯。早歲窮愁士不遇。中年文采鳳將雛。壯心無奈三升酒。清曲猶存一串珠。散盡晨星詞客老。故應貽笑牧豬奴。

金鼓收聲逐敗軍。箏琶攪耳不堪聞。知音自許無如我。失路相憐却憶君。感極漸銷鴻爪雪。夢餘還卧泰山雲。何當盡味濃于酒。不待初筵已半醺。

禁省夜直感懷書家信後

魚牋迢遞報高堂。昨共流鶯入建章。彩筆終書丹鳳詔。清銜已署紫薇郎。難瞻親雲千里索。負金門米一囊。每對盃餐念甘旨。官厨雖美不堪嘗。

朝衣墨漬帶酸寒。誰喚仙郎上界官。海內封章留硯北。天邊綸綍在豪端。畫中襖被花同宿。人散黃扉月自看。那似鳴機圖畫裡。小牕燈火坐鸞圓。

步趨隨在倚吾師

檜門師官內閣學士每直相見

黃閣相從若絳帷誰恨名

傳鸚鵡賦天容身到鳳

感恩寔下千秋泪報怨虛存

一字疑盼斷泥金憐阿母三年相慰但如斯

故山宰木感惜麥飯梨花香莫尋銜土未能三鼎奠

終天難答九原心臯魚泣念風號樹華表歸殊鶴在

陰慚愧家鄉兄弟酒一逢寒食一登臨

春風嗷拂上青雲劉削勞他郢匠斤

謂楊冢宰表少宰劉司農介宗伯四師

深感

明公憐鍛羽又煩丞相愛斯文

時方辟汪司空館而虞山恒軒家相國延居東閣因移寓焉

古敦

同姓今猶見人似賓鴻序稍分上客壺觴羣季座後堂

絲竹數教聞

景陽宮漏隔花催履跡衣香聚上台年歲已非初出日

心情真似復燃灰身隨兔魄盈虧見腸共車輪歷碌

迴頭上儒冠天下事賈生懷抱寔難開

入世無端改笑顰孩提悲喜記天真報親大抵難為子求仕何曾果救

貧陸未酬千古志悠已負百年身詩書那與窮愁敵同是

聰明可惜人

汲井牽蘿僕婢能柴閨晝掩冷如水

幸無醉飽驕妻妾恥以饑寒累友朋懷母兼思機上婦抱免應剪

夜闌燈泪痕虛幌三年漬恨壓眉峯到幾層

題陶作人游從姑山詩

圖

江湖苦飄泊安得故山栖匹馬將為往雙峰不可携斯遊

一氣往來
起筆起忽

何必作此語

下可刪

同拓落有客念攀躋絕好南城路歸人夢豈迷
窈窕兮雙影朝雲擁一鬟時隨懷古客一到從姑山不識
君何日讀書居此間八年千里外愁絕話鄉閭

勝地有佳趣斯人方少年那堪提馬策寧可受仙鞭早
達身何恃名山業自專行藏可千古天意定相憐

蔬筍堂頭飯幽棲樂在中吟聲羣籟怯書味一燈融我
憶鷺湖寺曾傷爨下桐題詩偶然事何藉碧何籠

次韵答宋桐門

樹穀

名場如糟坵醉者戀餘瀝酒徒愛燕市半作長安客
向隅我何能心境異喧寂一蟬語秋燕庭際自相惜朝

出無停車暮歸不暖席誰能耐炎蒸昏夜效私覲袒裼
凌高臺聊可永終夕

宋君磊砢士切慕古人跡弟子復不凡相對心齋間讀書
祛俗慮文字有正色功名誰得料忠孝固所職浩然養
奇氣已具造化力劉琨彼何人舞劍亦其癖

朝聞黃雞號暮觀白日沒難持一寸心坐受幽憂迫古多
用世才枉直昧尋尺播間酒肉臭饑者樂苟得傷哉溝
壑中展轉志士魄寒月避空堂門掩一燈白

繁星散清虛引手不可摘一有時落真宰亦無力列
宿墮世間秋墳互歲息昏一醉夢見何藉知警惕

衣架之術果
竟當作去聲
讀

毒蟲含暗沙。冥鴻塌高翼。窮愁如亂絲。緒多不堪織。短燭照孤影。揮杯自主客。意氣不豪。慘澹在顏色。人生無尺土。何以繫根前。止羊而補牢。雙耳徒濕。病婦理寒砧。慈母念行役。可憐升斗祿。甘旨係失得。饘粥亦君恩。有泪敢輕滴。

崑山夏貞婦劉氏君節詩

十日新嫁娘。不識君洞房。入門知夫病。上堂痛夫亡。花攢金縷衣。未嘗挂君桁。翠裁合歡被。未嘗展君牀。依稀識夫面。星漢仍相望。舅姑慘不歡。三日進羹湯。微風吹藥烟。散為深院香。豈知共命鳥。草草成孤凰。

妾身已分明。嗚呼拜姑章。羞言入郎棺。涕泪洗紅粧。姑章視新人。欲語聲已吞。見亡婦勿哀。幸婦猶未婚。新婦前致詞。斯言毋復云。請留未亡身。以附死者魂。父母唁女來。嘈雜語無倫。自怨嫁女早。斷送蘭荪春。恐女容華凋。勸女返家門。女聞涕滂沱。親意忒乖訕。兒為夏氏婦。鳥飛誰得羅。文采雙鴛鴦。世間豈不多。芳艸名獨活。賦命如天何。幼誦柏舟詩。之死矢靡他。郎命太湖萍。妾身崑山壁。萍無久生枝。壁有不瑕質。郎名夏之日。夏郎名朝。落何疾。妾心冬之夜。寒月光自白。穀雖異夫室。死可同夫穴。請翁寫幽蘭。用

以勵金石。及今十七載。空樓守岑寂。婦翁蘭巢翁述
之輒改容。憫婦抱幽光。何以以其衷。我與蘭巢友。作
詩豈敢後。嗟哉容二者。獲福亦云厚。愚夫愚婦儔
偕老常白首。生同鹿豕羣。死共草木朽。肯將列女
傳。易彼庸人耦。濡我珊瑚筆。紀此松筠守。紀婦守
貞歲。行年始十九。紀其姓曰劉。紀其名曰瑋。留獻採
風人。汗青傳永久。

送夏丈蘭巢東遊 大易

蘭巢古人作畫如作字。心正筆正無二致。蘭巢老翁不
諧俗。抗跡前民知此意。可憐讀書不得為公卿。猶

題夏丈 大易 畫蘭
舉世憐紅紫。春來
蝶自忙。長安遺老獨
坐寫孤芳。葉以飄搖
健。花因兀傲香。試看
枝上露。點點泣瀟湘。
不事公卿賞。寒繡每
自琛。只因遺教葉翻
覺勝。黃金論定他年
事。香舍故舊心惟應
懸素鮮。時覓解人吟

琛與珍有別可

處用否

收處以多故

抱流傳千古志。把筆如執中軍旗。縱橫來往無斜
歌。寫蘭不放側鋒出。千花萬葉皆殊姿。根芽共訝
墨。脫紙生香自覺風。潛吹富貴見豪客。使其畫直氣不
屈。筆不下裁。絹作襪。帟覆額。肯令幽叢辱聲價。踈
狂每為同輩笑。佞強時遭貴人罵。言能感蘭巢。心潑
墨。如雨花成林。衫袖淋漓腕飛舞。擲筆大笑枝森百
計。不顧時流謬。稱賞但顧千秋萬世之下人。見琛曾
勞海舶蠻夷使。來購蘭巢蘭數帋。人生得此頗快意。
豈與時人爭譽毀。即今六十孤風塵。對人不隨人笑顰。
新詩獨吟還獨賞。佳句好句流天真。與翁邂逅榻對陳。

雨窗月素忘昏晨。翁今東遊亦潦倒。濟南山水喜所
親。美遊惡歸討熟得。得歸。父歸眉可伸。愛翁勸翁
勿嗔。才高藝工不救貧。休如阮籍迴車慟。我亦東西南
北人。

寄懷家兩立兄

兄作山中句。讀師讀書將。母自怡。弟如海燕悲辭。
社人獸窮鳥禁繞枝。黃耳多情隨小陸。東湖有屋卓
長錐。丁年負却扶犁手。乞食猶吹仲氏篪。
青山埋骨事尋常。諸父遺址尚異鄉。一樣兒曹難聚
首。九泉兄弟亦分行。恩勤黃口道人薄。毛羽青雲只

自傷。三復角弓橫隕涕。百年先澤敢相忘。

棄屋求田計未垂。茅茨恰對稻畦開。尚堪瑣。憑姻
亞。已免駁。說去來。白眼更聞兄被放。青山兼笑弟
無才。明年歸赴鷄豚約。對擁寒爐食芋魁。

黃河一首寄荅兩立兄

黃河落地自奔渾。畧記崑崙是發源。豈有隄防能
束縛。空勞魚鱉暗騰翻。江流難合終歸海。禹力曾
施獨感恩。百折千迴無倚傍。不須淮泗作兒孫。

題瀟湘一泛圖送陶哲

同年令楚南

寬裳久向大羅聽。廣樂聲遙接洞庭。一命官除前進士。

懣懣

肯氣好

七年詩感舊湘靈才人醉用當為政循吏功名本汗青底事
西清同輩客但將儒雅惜悞

春蘭秋菊各天成政事文章有重輕官職古原尊守令
神仙今不盡蓬瀛荒臺雲雨還鄉夢初日年華出谷鶯
莫道湖南清絕地可能容易慰蒼生

君山螺髻刺天高碧杜芳蘅引畫橈代有詩人居楚澤天令文
藻續風騷及時三金須微祿俛首雙轅笑我曹鴻影送今
南北散秋來珍重惜霜毛

陵谷遷移七澤寬羊公碑石水漫漫登臨客有千秋泪轉側
山宜九面看人世風濤語不易襄陽耆舊遇應難隨身卷

變化

軸偷閒展辛苦前賢策治安

同年昆友幾縱橫散落飛揚歲月更嘗笑張良如處子
敢言賈誼是書生東華轂轉塵無奈南嶽峰迴鴈有情
知爾黃紬貧早睡紫薇花下一尋兄

京邸晤王筠齋比部感舊

身世由來有廢興尊前追昔醉曹騰陶朱室豈關人敗卜
式官猶計秩增雨蝕霜餐百年樹酒闌歌散一宵燈徑煩
馬遠開橫幅一角殘山尚可憑

西望鄉雲輒斷魂曉星明處陵門一官僅比中人產十日
重開上客樽玳瑁梁間深宿燕珠珠槽滿暫留髡徒令

醉舞揮如意。七尺珊瑚幾樹存。

見說名園白日閑。莊前秋。彎環家。伶夏客。傳新譜。

舊僕依人述故山。賣宅東華頻換主。聞歌中夜欲凋顏。

婁公盛德鄉評在。天道如斯豈好還。

○哭澤州王謹樞公子

先君携我入高都。總角憐君六尺孤。厭就齊人莊語。嶽愛

隨雛鳳。戲高梧。司農即世凋門祚。夷市持籌竭轉輸。無

復當時南阮富。嗣宗從此識窮途。

今逢汝叔話京華。聞汝閒居疾漸加。一尺來書人已歿。萬

行情。泪日方斜。深埋玉樹虛喬蔭。欲報慈烏付乳鴉。謹樞有母

在堂今遺二孤感遇無端復傷逝。為君能不哭天涯。時下禮部第

相如消渴少年情。占應風山病有因。生質美無裘馬習垂

髻。交若弟兄親。詩書豈責陶舒懶。石火難留馬監身。岑

寂寢門知己泪。帷中誰怒失聲人。此典不宜用友朋之道生

○寄懷淇縣令尹周韵亭同年

節義都歸循吏傳。文章俱入汝南評。吾聞古語才難得。

天斯人官早成。膝上傳經見識字。花前將母妾調羹。如

何民氣還淳朴。應自庭幃豈弟生。

射覆分曹記昔年。同時兄弟散如煙。頻聞破鏡飛天上。戊辰後免

兩悼。可有新霜點鬢邊。金鏤歌成傳鳳帟。聞兄納姬百十美詞蜀桐絲

應是風

潤換香絃。營齋營奠。愁多少。還為雛姬買翠鈿。
北馬南船。往復分。那能垂翼。日雲大言。曾比瑜兼亮。故態
真憐。捺與君。輿誦人。瞻淇上竹。歌筵鬼。唱鮑家墳。
哀樂中年甚。一曲啼鶻未忍聞。
烈記可知

一官潦倒。故依人。退筆成堆。紙束薪。爾向賓鴻。尋斷影。自
知明月是前身。秋來愁病多。懷舊事後。悲愉最愴神。雨
暗燈昏。書到夜。八年離緒。幾霑巾。

○中州愍烈記題詞

法曲依然。繼國風。不隨燈月。唱玲瓏。苦將杜宇。三更血染。
出。擢瑜一丈紅。

一轉紅牆。半畝祠。歌于斯也。哭于斯。魚扉畫閉。香煙直不
許。斜風捲畫旗。

土銼泥牀。夜漏穿。行人下馬。一悽然。勞他絡緯。催人織。啼
煞枯林。破屋邊。

冷雲寒日。土三堆。爭把冬青。繞墓栽。不用見。孫澆。麥飯清。
明時節。長官來。

成佛登仙事。等閑能安死。所即生天。北印亦有累。塚却

凜然

下名剛之木
見名貴

令詩人吊廩延。知書已未及共姜。破邲傾巢恨長刺。有殘魂尋乳燕。不知何鳥是鴛鴦。

終南進士飽欲死。差勝閻羅嚙鐵丸。安得才人淪落後。藉他前導作都官。

王豹河西尚在不。當筵誰復眼如周。歌成自有神靈泣。不用低徊菊部頭。

頻年刻羽吊芳魂。幾處磨碑寫八分。那識乘軒梁苑客。也隨風雨哭秋墳。

斯文如女有正色。此語前賢已道之。安肯輕提南董筆。替人兒女訴相思。

寄別金樽門先生塞外

朝霜午旭異寒暄。萬幕橫開列外藩。入眼江山供絕唱。陪京風土甲中原。饒歌曲奏從軍樂。邊色寒隨挾纈溫。料得新詩留塞上。東人爭乞繡綵韃。

駝酥細點酪漿寒。小驛微醺倚繡鞍。合計官程知止宿。每從家信問平安。鳳雛聲朗溫書好。鷓首人旋捧檄歡。歸

日重思二三子。謂坤一尊前孤負小團圓。

黃扉橐筆曉同過。孤館挑燈夜獨哦。屬草自憐心力盡。書空人笑客愁多。壯懷磊落因貧累。秋氣刁騷奈別何。十

載師門三下第。百年容易感消磨。

僧樓別酒記依。秋夢都。塞雁飛。蓮蕙尚含孤。苦

琵琶能識素心違。懸匏那得因官住。索米猶堪為母歸。明

歲東華營燕壘。新巢應許近紗帷。

鐘傳帳月千軍肅。風捲旗煙萬竈炊。暫閉羶帷容小憇。

一條紅蠟拜慶時。

寄懷禹城令韓湘巖同年

棘垣小聚豈無端。不道驚沙未可搏。千里夢懸經歲別。

一輪秋記六人看。青山舊本知名重。官燭虛堂坐夜闌。已

識今時定追憶。強分餘酒耐清寒。

鴻爪交離雁陣分。秋風容易感離羣。十年畫壁難勝酒。二

鬼青田又得君。湘巖青田人士有奇材須守土。吏傳仙籍定能文。

鬢。他日過城下。可笑于鬢是敗軍。

專城敢薄折腰身。索米金門亦後塵。苦葉未堪名小草。前

車依舊是勞薪。鳳池雞樹頻當直。白飯青菘尚累人。爭似

頭廳衙鼓散。一樽醺醖勸雙親。

一經齋小集送王琴德之山左同金檜門先生錢擇石編

修汪康古孝廉限經字齋字

感遇傷離襍醉醒。摩空猶日木疏翎。已成鸞鳳仍飄泊。自

古風雲有晦冥。旅食深知貧與病。才名虛指客為星。鵲華

山畔尋君路。夢裡還應一再經。

明湖秋柳至今佳。打疊蜻蛉池水涯。歷下山川名士地。江南

烟月旅人懷。文章事大期千古。主客詩成憶小齋。賦到登

樓堪隕涕。壯心容易付沉埋。

送檜門出塞次康古韻

車輪歷碌轍分時。愁誦江淹賦別辭。秋柳寒侵僧寺酒

穹。廬燈擬上陵詩。馬蹄南北人多感。鴻爪分明雪豈知小

別情懷動經歲。炎風邊月費支持。

送檜門姑丈扈從出塞

相送偏于欲去時。攀翻一宿何何辭。經年重理挑燈話

汪孟銷 康古

此日豪吟出塞詩。門外素駝行色壯。道旁楊柳別情知

風霜但祝神明健。厚屬溫綿好護持。

功德林離筵留別次康古韻

檜門

鴻雁分飛未定時。臨歧翻覺拙言辭。試歌飲馬長城曲

猶憶題襟七字詩。短後急裝誰最健。秋帆涼月客應知

欲償紫蟹花黃額。預訂明年酒共持。

家作梅編脩幼女玉媛十齡初度作截句六首書

扇贈之時七月初九日

新裁錦悅挂文疏。小立紅綸學拜初。恰似雛凰依老鳳。向

翁腰帶覓銀魚。

此乃五符
字亦別書云
付為

冬郎十歲解裁詩。汝可能為柳絮詞。莫似杜陵蓬戶女。鏡中狼籍画雙眉。

夫人禮法具徽音。短髮梳完代綰簪。乞得天孫長命縷。小樓前夜學穿針。

風吹林下本來清。學繡摹書見性靈。婉婉宜聽慈母教。孔家兒子正趨庭。
玉媛字曲阜孔氏

端正生來謹笑言。碧梧翠竹共娟娟。前身可記蓬萊事。小別西池已十年。

曾勞啟齒呼將伯。他日粧成莫避予。為爾閑中抄內則。不須全讀相門書。

直廬偶成

一夜此中月。三秋何處心。絕聽官閣靜。不覺禁鐘沉。門掩頭廳燭。簷低滿樹陰。夢魂鄉路熟。忘却掖垣深。

自鳴鐘

法西巧窺測。尺寸具宇宙。氣貫十二時。度紀廿八宿。衡平

應璣轉。象列比孟覆。餘分積銖黍。歲月按剝復。非禪一

龕閉。若鑑半奩扣。外規現輪廓。內軸運機紐。剝腹針暗

度。懸簾筵潛溝。縱之錚之聲。暮之朝之候。移樞蟻緣磨

掉。舌杵葳蕤動。靜互為根。虛隱相逗。音如滴壑泉。製

擬穿花漏。周隨瑄葭颺。憂與簷銑闕。健行景豈駐。遲挽

此詩未定
所長

戈莫救。晦雲黑白判。經緯朔南就。軍塞視食息。風霾驗
昏晝。聞堪發深省。法殆出天授。太極同渾涵。上帝托聲臭。
不復煩擊撞。自然合徐驟。志補律歷遺。官許羲和副。
夜警沈酒。願置歌舞右。

西瓜燈為家戟門仲子

賜祭作 不存

夜氣檐風不可侵。碧羅紅燭影深沉。長生莫是安期棗。
空洞中間有赤心。

壽字雲中捧一星。勞他巧匠繫瓏玲。酒闌可許書生乞。

雪案邊旁代小螢。

紗籠絳蠟已成堆。別貯蘭膏照玉杯。可是家藏蓮炬富。

照他花樣出新裁。

起以鮑明遠

題金柅金絜齋司訓秋陰覓句圖

可仕則騎鄭虔馬。可止則放鷓夷舟。七十致仕古云樂。翁

今喜作紫桑遊。人生仕宦負初志。雖擁朱輪豈快意。如翁

頭低氣不屈。况復神完中有恃。經師七十學自勤。不知臺

省誰紛。衣香碧蘸書帶雨。硯色潤聚黃山雲。含毫不語

秋。如是世上風雲眼中事。應將爵勅百年心。吐作歌斜數

行字。不見白頭卿相乘。高軒趨朝束帶難窺園。蔗漿櫻

籠賜稠疊。清涼那得如邱樊。膝前文度今歸矣。添画欄

衫過庭鯉。笑指高梧健似人。伴翁詩思清如水。

送萬芝堂官懷柔

廷蘭

送君南浦四載前。經明行修君入燕。君舉京兆我釋服。
北上肩隨坐矮屋。君得風雲恣騰越。我對鋤犁空穀棘。
君官翰林吾遂東。送我不與南浦同。桑乾飲馬水鳴咽。
長安敗葉從飄風。聞君省親我方客。滿眼江山歸不得。
經年入都君亦來。知尔高堂好顏色。問君瑣屑答我詳。
拜我老母登我堂。我猶俯首蓋車旁。每憶昔時君對牀。友
善最數龔元珩邊鏞楊屋。亂書圍身促膝坐。月滿深院燈
搖牕。執筆分作古人傳。但覺忠臣孝子義夫節。婦神洋
洋。夜闌束書共諧嘍。不計飄零散落天。何如今年稍

年古中用長白派
君後相慈始得
否則拖筆夾難
及覺力薄明
者揮之

復聚塵海。我仍翹矚君出宰。朝廷有道重守令。循令

何曾乏文彩。况君詞賦久無敵。汝南月旦香名在。天子

方欣令得人。書生竊笑官初改。一車偪仄如扁舟。輿容四出

載莫愁。阿侯索乳啼不休。那有小妾彈箜篌。髯奴負擔

書兩頭。兩弟襤被從雙輜。紅螺山小圍懷柔。父老馬道

拜偃樓。力行孝弟官素優。官來善氣何油。春風暗

轉山城秋。何阿清筭何清儉何清。逸何清居瀛洲。殘秋我亦挂帆去。應

向樞掣瞻杖屨。捧檄為陳毛義書。封魚莫寄灤河

鱖。故國晨星幾點明。昔年舊雨無多聚。南浦波寒木

葉飛。回憶當時送君處。

○ 画石榴

紅坼榴房子。子畫佳。其他金粟伴如來。階前玉樹分明似。合与宜男一處栽。

供養真宜翡翠牕。花魂人夢兩相忘。石家小妹紅裙艷。分得婵娟月殿香。

多子金櫻薦玉盤。讓他枝上綴斑斑。莫教鷓鴣疑紅豆。曾掛夫人指上環。

○ 并頭蓮画幅

不論凌波与折枝。花開双蒂化工移。靜中忽有香生紙。何異天然出水時。

盈、分豔向軍持。小閣幽窗供養宜。較勝銀塘斜日裡。平臺义手立多時。

那須呪鉢試穠芳。恰現蓮花繡幔旁。只似紅衣持翠盖。護他三十六鴛央。

○ 題画卷花竹

本來清節拂雲縹。露浥烟和百尺稍。他日籜龍添晚翠。交柯中着鳳皇巢。

淨植亭亭君子花。碧桃紅杏讓清華。請看玉井船如藕。還配安期枣似瓜。

仙人風格領鷓行。修潔惟應愛遠香。試詠于飛美周頌。白頭

花裡伴鴛央。

翡翠蘭若。愜素懷。古音幽馥氣和諧。花神合住三千歲。高節明粧。白首偕。

○同心蘭画扇

一德蕙百昌。衆艸無二致。庭花且一心。何況家人義。青棠合歡花。紅豆相思樹。不及連枝蘭。清芬在君御。翰比松筠貞。根同薺麥守。願持王者香。前為善人壽。對花寫幽姿。双管想齊下。掩映光風中。是蘭還是画。艸木有本心。花好人亦好。紐充君子佩。聊以頌偕老。夢蘭香滿懷。寫蘭香在手。中有素心文。旁枝亦相耦。

○秋海棠

腸斷人何在。花開太有情。秋光不可少。天意未全輕。夜燭尋春夢。涼烟望錦城。一般思婦泪。零落為誰生。不乞青皇頤。牆陰獨寄生。三秋無絕豔。一笑奪傾城。色好香原在。霜嚴態轉輕。美人真薄命。天地故多情。

咏梅花

七字少傳
淡日無痕

村店微寒酒可賒。醉醒依約記瓊葩。鶴來半夜無非雪。月到空山不見花。驢背路生疑夢裡。林腰煙重失江涯。前身莫問樓東影。只有仙人萼綠華。春光特地一番來。似見高人卧古苔。十月雪中隨客訪。百

花頭上讓誰開。風標本具千年骨。顏色真無半點埃。
贏得芳華搖落盡。教他塵眼一驚迴。

○次韵答龔監成二郎友。

結交如讀書。用志常苦紛。悠。溺人海。斯意誰共云。邂逅
得二龔。標格皆不羣。仲兮驛驢駒。詩書襲前芬。弱幹露
奇骨。早慧能博聞。法古具條理。觀物潛悲欣。見面呼我先。
便欲從夕昕。浩歌一投贈。老氣除俗氛。自視卷中句。無異
鏘上軍。何期啓玉齒。幡。謂紛紛。古幟未易拔。誰能建奇
勛。汝才唾成珠。奚計斗石分。脫穎待他日。定操哲匠斤。羣
兒競聲華。歌舞東門初。平生耻馳逐。寤然望蒼垠。樹

立誠大難。色沮東西。睡。飲食羅饒。夫鄙哉平原。君豈無
青霄翼。朕俗誇。竇。羽山風。轉哀壑。莫辨誰何。墳。感。時
增惻。期汝良殷。奇材起毫末。自養當拳慙。勿令論
世徒。但賞丈人文。

○送陳改堂宰齊東

從政何能絕世緣。清魂猶自怯西川。夢回蘊子聯牀夜。
歡異毛生捧檄年。齊魯風存還近古。蓬萊官到合稱仙。
東遊我亦談天者。掌上曾看九點烟。

射魚且漫畫之罟。柿葉初紅指故邱。華表鶴看人拜墓。
粧樓柳報壻封侯。書攤德耀齊眉案。酒暈相如入蜀裘。

從此勾留鄉國夢。午橋烟景太行秋。

紫荆花下小團團。甕有青州從事官。海上詩傳文字飲。

天涯月愛弟兄春。堽篋豈等齊竿濫。車馬曾經蜀道難。

何處能開行役眼。勞山猶可一憑欄。

同是飛鴻踏雪泥。風前亦自怨分携。十年老吏兼寬猛。

一倒才人善滑稽。別後詎嘲都入感。人生聚散本難齊。

停驂若見萊陽尹。炙輠雕龍好共題。

謂韓湘巖同年也

○阿相公克敦三使高麗圖

皇華歌罷旆。夫旌節乃指東扶餘。五雲霞靄隨敕

書。從者皆乘昂。駒名鄉出使觀塞塗。麒麟繡服

垂金魚。川遠細按懷方圖。高句驪國箕子都。桂婁

五部四稱奴。省簡文條用信義。柔謹獨与三方殊。朱

蒙好文尚浮屠。乞經乞書文軌符。王畿相距若郡縣。

國初拱極誠首輸。相維設牧制其職。朝聘不与遐荒

俱。嗣封命官有典則。薄束厚往欽前謨。朝廷服遠

重專對。使臣舊例遘鴻儒。相公初入承明廬。文章久

擅難林譽。誦詩三百堪馳驅。言詞風度誰得如。三衛鳳

綉到朝鮮。清望直。嶠夷隅。再至三至異屐初。國門

觀者皆懽娛。笑指天使微有鬚。巖。玉山作身軀。道

旁近者大對盧。青羅裁冠屐承附。傳薩耨薩折

此首宜束之
使道且三使
二字亦欠著
筆

箕子國中未必
有可汗之稱

腰趨譯官代譯聲。嗚呼介紹傳命王。日俞北面拜。脫
敬讓字語書宣示。王心愉伏地稽首明區。天德
信不渝。庶幾永撫東夷。諸私觀致饌儀容舒。庫樂謀
奏笙琴等。天使去曹金張閭。問言鑑貌聽瓊瑤。或愛
或畏或嗟吁。得毋零星天神徒。柳雀金李敢挪揄。迎
公送公多踟躕。每別輒問還來無。公之誠信播中外。如
葵東向當朝晡。綸扉坐論盛元氣。白頭赤烏碩且
膚。高麗貢使拜謁陞。往來富視三公孤。垂紳私喜相
公健。入画詎識鄉山麓。丹青此本許傳寫。蘭紙定
有東人摹。

汪康古 孟頫下第還嘉興

博物劉公是知名。管幼安斯人猶拓落。吾道信艱
難。歸路吟當健。家筵聚亦歡。秋來倚虛幌。休
咏泪痕乾。
好學推之子。憐才念我師。梅門詩成留客後門掩退朝
時。紅燭依影。寒更灑。危相期古人業。長歎一
凄其。

乞假南歸別家作梅太史

楊

平生蕭瑟劍書存。三十功名骨相屯。一歲長君顏
較老。廿年為客舌空捫。經祀 嚴霜已藉輕裘袂。寒態
都隨笑語溫。小別如何亦惆悵。可知惟此最消魂。
鈴閣槐陰許借枝。花前伯仲效肩隨。眷今原急人
難比。梁稻愁深雁名知。南北東西十年感。風濤兩

雪幾番疑。何人愛惜何人忘。如此才名亦可悲。
月榭燈帷促膝頻。論文應讓弟兄親。尊前飲饌煩
中饋。門內文章愧上賓。嬌女雙擎珠在掌。雛凰一樣
彩為身。星查倒載神仙眷。拭眼新銜署使臣。
衣留慈母泪斑斑。搖落真同敗葉還。學語見當呼
作客。望夫人欲化為山。勾除塵夢三年恨。消受書
燈一載閒。暫覓田家雜黍稷。因君時復憶朝班。
歸路秋山打葉迎。青袍塵土一時輕。中年閱世名心
減。長夜攤書道味清。自古悲歌堪當泣。累人愁
病是多情。明年執手東堂側。應笑鬢二額下生。

龔子鮮鑿成兄弟相送潞河言別

倦從鴻點雪。且作鴈隨陽。只有寒江月。能容酒客狂。君眠二疏舫。如侍六經堂。永夕懷師友。南音

一樣將。予鮮并送其師張荔門侍御故云

執手商前業。隨肩話夕陽。相看澹如水。同是醒而狂。不誦時流句。堪登作者堂。三年當躍冶。拭目睇干將。

○過德州却寄羅澗碧居士

三年三過德州湄。還憶吾山趙君話別時。見說羅舍工好句。昔從黃憲識吾師。獲村先生神文魚日月。梁間色心折吳

二三四句調曰
第二句宜易

楓卷內詩。寒夜重來成小泊。誰逢能不念新知。

聞道庾郎賦小園。秋來黃菊壓籬偏。藏書已滿三間屋。種秫還餘二頃田。略認雞豚知棗里。每看風月

憶蒙泉。宋太史不知閉置帷中者。可在江東舊雨邊。

高人倒作醉鄉侯。況得東坡釀法優。九日已過猶載

酒。扁舟無吝欲尋秋。那知別墅河干近。轉憶年時歷

下遊。步屨平生愛蕭緘。竟須從尔覓林邱。

○ 刊溝

醉眠青雀舫。不扣富兒門。齷齪平生耻。蕭條吾道尊。兼金身外視。一刺袖中存。王宰風流香。那足論。

○ 吳門謝別莊滋圃中丞彭青原方伯

且得憂人三憂
是對中丞方伯
語不特句法用
圖自然也

二老低回惜壯遊。為吾滯洒具扁舟。書生豈作窮途泣。長者同深失路憂。士不遇時俱若此。公能知我更何求。軍門長揖翩然去。他日抽毫紀大猷。

○ 嘉興省視錢香樹先生

玲瓏淺碧認由拳。通德門依略約偏。立雪人來千里外。開眉歡動一燈前。忙中問對兼悲喜。別後精神驗食眠。且效團團三宿話。絳紗帷底坐彭宣。

○ 到家

朝衫輕點雪霏微。褲子斑斕欵竹扉。顏色暗憐慈母悴。蓬蒿真感舊遊稀。夜闌秉燭人疑夢。燈暗

真朴之至

窺瓶鼠畏飢。忍見高堂飯粗糲。一面持箸一露衣。

悼老僕彭授

七歲來三晉。相依四十年。舟車共南北。勞悴賴周旋。力瘁心無怨。形衰瘠可憐。貧家中外事。都借一身肩。

憂樂知翁意。孩提看我長。安危隨閱歷。雞犬喜

扶將。有子分癡點。拋妻亦病狂。新人不如故。滅獲枉

成行。

解種樊遲圃。能知穎士才。未嘗謀薦食。不見有私

財。托地生原賤。稱忠性莫回。還令鄙夫媿。身貴

亦何哉

經旬聞絕食。垂死盼官人。賦命尤窮薄。浮生極苦

辛。棺衾皆賄妥。感歎動親隣。英汝城南土。全家泪

滿中。

家信頻垂問。歸來汝已亡。琴書不忍棄。生死得無

傷。汝女三年嫁。諸雛一樣將。泉臺目堪瞑。澆酒故

應嘗。

哭楊子載 屋選士

與子三年別。歸來哭寢門。遺孤不解痛。老母獨招

魂。壓象才無敵。成仙位自尊。墓碑書選士。窮死亦

纏綿真切。非因泛泛。

流轉自
生唐音
之不一
如此

君恩

世祿多年絕。公田八口收。別開文字祖。敢為播遷愁。

蜀道無冤鬼。青門失故侯。魂歸先隴下。垂涕

國殤卹

九歲負才名。詩成牧伯驚。天教將門子。來作魯諸

生。我亦今詞客。歸樞古灌城。十年兄弟友。如此對銘

旌

家藏忠義傳。代有凱歌詞。尔但為名士。還能建赤

麾。詩傳原可信。才大竟何為。搖落平生感。誰書有

道碑

門冷如冰日。惟餘舊雨來。愁看故人母。聲滿四隣

哀。已賣城南宅。真同劫後灰。心文俱寂莫。何以慰

泉臺

傳家存典籍。會葬有詩人。白馬東何暮。西州感獨

真。扶持慙古義。去住等勞薪。安得分餘粟。為君

養老親

拜楊子載墓

未視斯人舍。常疑故友亡。不知生死異。但覺別離

長。眼底東杯土。憂端接大荒。九原何處是。此意滿

蒼茫

古義

雞酒成空設。神仙不可援。碧知新木。拱寒及。亂鴉
喧。戲念橋公語。愁深衛玠言。生平兩行泪。第一哭
逢原。

夢尔芙蓉館。修文主列城。低頭書側理。走筆若
平生。命短天應惜。才高鬼亦驚。詩囊心血盡。慈
母泪添盈。

捧觴同介二親壽。醜顏白髮燈光笑。尊前講學本六
經。翁憐兒女俱惺。酒酣浩歌作琴操。願兒韶漢賡虞
廷。舅方采藻矜青。父歸負我遊井陘。我母語舅善事
親。十年南北不相見。念舅讀礼潛悲辛。舅逾四十我已冠。
歸來請業舊學醇。人生窮達偶然耳。致身早暮何堪
恃。自古長安似奕碁。勝固欣然敗亦喜。舅今風雨樓一
椽。鞠通僵死管榻穿。往。歌聲出金石。聽者默識圭竇
賢。茆堂燒燭與我飲。三十年中事俄頃。高談王霸證學
術。每憶歡娛襟悲哽。揮絃已無知者聽。爛醉常隨斗杓
寢。男見生不圖凌烟。狀貌偶借丹青傳。鸚鵡茗竈致不

惡。幽人竹石皆便娟。風泉雲壑具琴理。桐蔭去聲隱然。
無田可耕我似舅。妻子飢寒奴馬瘦。鄉山信美豈得佳。

長七

結恍憐

呼闌闌開。古人五十始富貴。
生我才。鄉園局促何為哉。
擊手以此來。

贈沈壽兩秀才 龍文

殘年細字一編存。襟上難

客。文章于道未為奇。披髮且屈刀為鏡。掩耳休話

貧賤有家宜以

琴在門。忽咏出山泉水濁。茗溪西望共銷魂。

富貴應嫌五十遲。那堪愁鬢漸成絲。苦吟才借江山加

老心。灰句讀師懷友。自支官閣夜讀書。如在峴山

浪仙可及東陽瘦。鑄象是阿誰。

題王受銘比部 又曾部 入坐圖。

已從空際着蒲團。 十邊

舌累人身墮。雁山前。

逝水浮雲說舊因。只應明月是。

住。弥勒同龕要替人。

行脚何如雁。往回。苦于塵海。

曾看開先瀑布來

須菩提坐萬山空可

看半天晴雪一飛鴻

○高說霖竹林

○釋龍蟄後刺

勢。豈無風

成陰鶴蓋水連車

野。不須重廣絕文書

收拾羈縻壯氣橫。當日前王立共爭。嶠。舊家絲竹何堪

聽。不及疎林瀉山

寄此

○即及第三

○憐他魂泣悼亡篇素

○家乘期量文苑事

○門小夢餘且學羊星

壽萱堂詩鈔

乙亥

此編宜在乙亥年

鉛山

蔣士銓

餘

○讀武寧盛于明叔子和阮公詠懷詩題後

貧賤勞其生。富貴倏忽死。習靜窮山中。庶幾見物理。

心清夢恬澹。吐語絕泥滓。虛懷明玻黎。注以上池水不

歎復不溢。稱意作流止。我讀古人詩。跌宕滿心志。因知

百年下。懷哉盛叔子。

武寧山水多。中有盛氏居。季子樂委朝露。仲叔將焉

如于野。頭已白。著述驚賢愚。其文合典則。起衰賤浮

譽。叔子意蕭條。吟聲散空虛。偶和阮公詩。冥慮為



玻璃頗黎

存廿三首

以下圖

鬱紆蒼山舍秀姿。古木露膚腴。悠然字句外。筆力
常有餘。時無避俗翁。誰與明區區。

昔為歷下遊。抱膝坐高閣。日對城上山。懷想散寥
廓。秋風生岱宗。木葉向人落。觀物漸多悟。氣清絕
衆濁。哦詩示老生。常使舌指齟。歸來掩蓬門。此意頓
寤莫。經年無一語。足以破束縛。憂多損神智。倉卒皆
外鑠。忽誦于明詩。絕知有生樂。

一燈照虛堂。坐聽百蟲語。夜半聞兒啼。覺有歸人
趣。深簷出螢火。冉冉避微雨。感觸念故友。生死各異
處。詩人苦紛紛。蒙昧競齟齬。汪軫苟終窮。豈復望
徒侶。可憐盛叔子。惘然抱憂懼。低頭問後覽。用心毋
乃苦。

題朱赤谷慶雲圖

盛德被山陵。卿雲應瑞徵。色隨華蓋異。彩逐玉軒凝。抱
日光逾潔。浮空氣自升。分明閭闔啓。知有六龍乘。
紀官分列職。干呂動羣材。龍席青冥合。神仙絳節開。氣
隨天子出。占應保章來。彩筆真能駐。牋疑五色裁。

送人去嶺南

輕舟穿巖石。獨探早梅寒。百粵懸孤嶺。諸灘聚萬安。全
生篙櫓健。失記道途難。炎海珊瑚在。從君買釣竿。

大方無俗韻

送春詩和學使張藻川映辰太僕韻

冷吟閒醉感茫茫。觸撥春愁字字傷。馬耳過風寧有
跡。車輪生角定能方。紫蘭魂欲招香逕。珠勒鞍猶趁
筍。將着眼。桃花貪結子。不堪回憶杏窺牆。
浴鼓錫簫故。催六街香雪撲。輕埃年光細數。簾波
轉。刻漏難勝蠟。泪堆。覺道美人容色減。誰知烈士壯
心顏。榆錢買得鶯花斷。還恠紅蕉展不開。

櫻筍厨參玉版君。更無心緒艷榴裙。衣篝舊印雲痕
蝕。書帶濃香雨氣熏。人到閑情多懊悵。事當回首盡
煙雲。熟梅天氣難消遣。愁思三分睡一分。

人口頭禪未為
軟也

熟梅一句亦詩

紛紅駭綠漫尋看。風日真能驗暖寒。賓客感春心各
異。関河言別夢俱殘。迴車轍淺蹄。冷亂落瓜泥。深鳥
道盤。我亦東西倦遊者。歡場無奈興先闌。

魚羨江湖鳥羨林。傷離感舊此時心。題襟共遣官齋
日。刻燭閒分画舫陰。列郡郵籤還記省。前春裙屐罷
追尋。平生最解詩人苦。王客圖中反覆吟。

緩。歸仍唱陌頭。麗人何事罷嬉遊。殿春時節宜中
酒。歎逝心懷欲閉樓。花到十分天已倦。屏通一點恨應
留。此情更比空江濶。界畫都無岸与洲。

韶光何處尚鮮妍。蕩子離妻共黯然。往事最增行役

感餘春猶為解人牽。雙鬢定許參差唱。副本應知冷澹傳。孤負芳時絲與竹。只緣哀樂盛中年。何當春去亦蓬蓬。料理悲秋荅化工。客散自參彈指得。情多真畏落花風。其中况味相思在。自古穠華過眼空。綺語十年消不盡。天花猶點戒衣紅。

小泊弋陽

雪花爭倒濺。帆力鬥重灘。小泊鷄三唱。空江月一丸。魚驚搖斗宿。酒渴愛風湍。似有河樓在。微燈語夜闌。

寄廣豐家繡躬叔

雪案千秋業。名山一卷詩。早輕流俗輩。直與古人期。老

沉摯

境文章到。才名楚粵知。如何勤學志。還似少年時。讀書茆屋下。猿鶴對婆娑。白首遭逢晚。家人倡和多。有子傳詩禮。平生負薜蘿。惟餘孟先偶。同唱五噫歌。關心念民物。洒泪看儒冠。去絕山公牘。誰憐范叔寒。吾宗方寐莫。夫子歷艱難。想見青燈畔。低頭策治安。

一片山中月。分光照我身。何須屢相問。大抵不如人。擔

荷違初志。委蛇愧小臣。歸尋舊徒侶。感激意彌真。

數載一相見。百年能幾逢。坐聽寒夜雨。夢落故山鐘。念

我良。感懷人不可從。尚憐風外絮。無處著行踪。

我。樵雲州。其中有正聲。騷人例多怨。達者意能平安。

變初不居

蒼潤

寒瘦

得攜村酒相將話別情。招邀徐進士。曇爛醉短長更。

○ ○ ○ 年後自山寺投田家宿

斜陽沒西嶺。漫興別青鸞。曠色度寒木。秋烟生古原。野人乘犢去。雲碓隔溪喧。信宿尋茆屋。桑麻許共言。

○ ○ ○ 遊錫山郭西觀音石

地湧天垂一朵山。巨靈揮斧穴孱顏。併將席豹龜鼉窟。刻露煙雲窈窕鬟。地入虛無幽折裡。天來細碎委蛇間。可容身作千年蝠。自在巖阿日往還。

石竇慈容小立歡。紫雲香雨潤檀藥。中水月都圓滿。外風光暑寒僻。處漫傷靈跡。晦名山本厭俗人看。不須更聽潮音去。說法身源宰官。

家人連臂步崔嵬。慈母顏和笑口開。山去縣城纔一

里。我携妻子竟雲移樹來。浮生小謫身俱幻。借隱他年志豈

灰。那得塵容滿被淨。便移鷄犬妙蓮隈。任

○ ○ ○ 哭曾景瞻姊丈

君舉甲辰我生巳。君方丈夫我童穉。君妻吾姊我猶弟。三

十年中五相對。彈棋擊劍君性耽。高秋射虎南山南。生當太

平弓矢函。陰符在胸口。不談輕裘緩帶儒術語。林壑到眼

毋嫌貧。廿載公車懶馳逐。樂志承歡卧巖麓。願橫牛背

坐讀書。不慕虎頭飛食肉。尔翁昔官艾子城。誦經講學方

從第一句中復抽
出妻子無事且似
先至以媳後至亦少
情趣借易之覺是
涉崔嵬三字中語說
并上句却就眼內看
出更佳 尤字較佳

是文事家托
要事奇安

瞳清荀家五龍君早達。伯與叔季皆英。我翁愛君逾子
弟。令我事君如事元。情親况復共鄉縣。誰道數年一相見。每
歸故山覓舊游。交好惟君弟昆善。支琴促膝露肝膈。酒綠
燈紅尋拇戰。自言餘事嗜青鳥。胸中五嶽包扶輿。笑指青
山築生壙。剪剔不煩墓大夫。酒酣歎君能作達。鬼伯相招誰
得脫。英雄不裹馬革屍。埋骨鄉山眼猶豁。每誦淵明責子
詩。仰天太息裂兩眦。善人有後理則裕。笑君憤激母乃痴。
前年執手道旁別。不謂相看成永訣。歸來倉卒得凶聞。
腹痛心摧氣嗚咽。寒江雪片大如掌。泪滴層灘不能往。今瘡
鏡具酒空酌。不見高談傾玉盞。嗚呼君老乙科猿鶴猜十年。

不第我豈才一官如此君先逝。垂涕招魂魂可來。

○過祝桂岩書齋不遇題壁

君避元規一斗塵。不知同是可憐身。驚鳥繞樹棲。繞定病馬
低頭性。豈馴落。自來無俗士。惺。相惜故才人。如何四壁蕭齋
裡。不見研經井大春。

一燈抱影訴羈遲。強作兒童句讀師。眼內怕看排闥客。篋
中應有感春詞。因緣偶許生同地。顯晦難容跡異歧。我亦當
時淪落者。那能和尔不相思。

佳名知名一見難。風塵何處覓新歡。簪毫浪說何郎貴。擁
褐仍同范叔寒。桑梓依慚小草。關河渺去長安。故園子

弟多相識。惆悵因君倚畫欄。

題張母宗孺人画像

張堂北

我来拜母十載前。母懽_在顏_經惟_寒。我来拜母十載後。母顏_在紙_總帷_覆。母為南昌大家子。有弟文章最清綺。我翁友之等昆季。呼来對飲茆簷底。我時未卅垂兩髦。長揖燈前承諾唯。母時內助宜_國翁。蘋蘩_蠶績_婦事。供慟翁。颯_騎箕_尾。母領諸孤習喪禮。廿年水蘩操作勤。抱孫堂北分甘旨。我来讀書歲在寅。諸郎視我如弟昆。母如我母願復頻。今日登堂遺悅陳。

心坎
中流
出
盟
成

再過河口天池菴題壁

七年不向江樓坐。桐帽稜鞋又一登。行脚每餐常住飯。前身應是打包僧。宰官現影都如此。彌勒同龕尚未能。隔岸喧喧成一笑。市人鴉鵲兩膏騰。

破碎_萬壘_餘頭_亦亦可_悲。獅王能不_歎。此_僑風_雷漫_乞山_靈護_介。鑿_頻煩_巧匠_窺。敢_謂滄_桑多_變易_還。勞_守令_與扶_持人_民。土地_相關_甚不_見羊_公墮_泪碑。

一往情深

語言文字歸何處。雞犬圖書夢又成。人境有山堪繾綣。客心臨水倍空明。南船北馬飄零遍。舊墨斜行歲月更。且向浮屠記三宿。他年来赴白鷗盟。

行年三十氣淋漓。談笑輕他尺寸基。豈謂鄉園無可戀。數勞
卿相與相期。求田問舍何堪數。臨水登山欲語誰。只有故人關
外櫓。蕭然來和壞墻詩。

北蘭寺

昔遊殊偶尔。香界故依然。能具登臨眼。應圖主客篇。官多
無暇日。地乃屬前賢。足慰綿津想。詩傳壞壁邊。
中丞何足重。名士乃多貧。獨有相關意。居然不朽身。憐才
心益薄。吊遠泪難湮。名得依王後。綿津亦古人。
豈足當名勝。荒一寺偏。只宜詞客住。相結酒人緣。何處無
山水。斯堂歷歲年。笑他題壁者。狼籍墨痕鮮。

書何鶴年在田秀才詩本

時賢困流俗。溷濁為唱酬。競此無益名。敗紙成高邱。頽波日蕩
激。百怪同喧啾。不意滾中汝。駕萬斛舟。昂藏具篙楫。獨向
天河游。問津詳衆源。各順風力求。居然得門戶。曳踵時一由。視
彼困網魚。憤觸謬悠。汝名竟闕寂。汝居誠隘湫。如何鍵甕
牖。直與古哲侔。不知作者志。耻效俗士媮。同地生卅載。潦倒
面一謀。君軀瘠過我。炯橫雙眸。豈知纖瘦資。挺特輕匹儔。
腹可容萬夫。氣足盤九州。跂脚名士頂。一唾心休。我如蟄穴
蟲。頗厭聞呶嘍。虛名挂人口。自反良可羞。紛說多才身。死
何物留。龍疇驪復睡。珠矢誰得收。以此抱憂患。不復尋枚

既重命字何
不如此二句
更駁

此處儘可刪
節

鄒時枉友朋書。文字責校。雙言秦青。傾衆耳。莫解聽者。
愁鐘馨間。箏瑟器。襍響故偷。東閣不敢視。懶惰徂夏。
秋清晨得君詩。等閒為吟謳。錯愕數行過。起坐痼疾。
瘳。初誦眉眼豁。再讀針芥投。同輩復有君。此道奚足憂。
灑然脫倚傍。跌宕筋力道。風刺各有體。善喻陳冥搜。自
寫哀樂情。中人如餌鉤。俯首韓杜間。刻苦為剛柔。古池
本虛白。中有星斗浮。蒼山迴秀姿。面來空樓及茲事。
克擴孰敢較。劣優區。噉名子。片席羅豆區。餒敗恣飲啖。
何識珍與饒。衣裳故楚。旦暮夸蟬。坐失換骨丹。南山
委骷髏。汝窮顏色和。經史充糧餼。聚徒破寺中。內足外

左考下四句

偃。世無韓退之。郊籍皆闇幽。與君結交始。安用往復。
稠起衰事匪易。立志當自。汪。韞誦君句。太息且低頭。知
非阿好詞。書以表潛脩。活。自喜徒野戰。操戈矛。試令拜
床下。亦解汗決。下。

迷癡

三載迷癡宿玳梁。幸無乳燕與留將。一層簾箔何難捲。便去
差池乞草堂。

殘泥拋擲故巢空。辭去依然傍落紅。不似多情閑盼。為人生
死一樓中。

楊花終作一池萍。點綴年光事亦輕。莫怪東風不憐惜。隋

堤飛絮本無情

偶移山卉植籬邊。開落從他未覺妍。九月清霜三月露。不

曾相妬不曾憐。

去住悠然視此身。讓他飛鳥解依人。拏舟未是亭、影

莫漫旁嘲妬女津。

非閑薄倖豈閑狂。一去來今夢幻當。多事維摩清淨室。

錯教花雨著衣裳。

題葉秋暎垂綸小影

本是忘機者。來聽潑刺聲。虛舟無約束。此境獨空明。歲月

因緣在。江湖失得輕。眼中天水濶。還有羨魚情。

一竿絲裊。千頃碧融。心已澹如水。天教閑此。翁偶然成攬

結。亦可唱玲瓏。今古滄洲趣。方舟未許同。

自得江山意。何須隱遁名。濠梁聊共語。煙水有誰爭。往事

看秋柳。先機示碧鯨。廿年能遲我。來訂白鷗盟。

題婁妃墓圖

水際埋香太等閒。匆匆何處卜青山。玉魚金盃無人見。只有

秋江似珮環。

六題似新城

斷碣銷沉劫後灰。已無華表鶴歸來。柴關土鏗人稀到。消受

官厨酒一杯。

聚米量沙計已空。唱籌聲合院西東。江城豈是無閒土。豚柵

慨然多畫

雞栖據此中。

遺卹畫就免傳訛。藝院應摹陸法和。不許碑陰牛礪角。詞人經此定摩挲。

夏蘭菓坐雪圖

不知塵世熱。冷骨自峻嶒。伴尔梅千樹。消他酒十升。綈袍誰敢贈。白眼自堪憑。笑指心頭雪。年來已似冰。

空庭無鳥跡。破屋有詩人。煮雪茶烟凍。澆書臘甕醇。農知來歲熟。天散六花春。莫更披裘去。長歌學採薪。

勁竹墻東折。黃茅屋上平。誰尋老居士。自學古先生。可記長安住。同乘瘦蹇行。故山寒色遠。歸夢繞柴荆。

祝野谷招飲

底用投簪狎海鷗。草堂雙樹足勾留。掃除南北東西感。來試官哥汝定憂。酒客情懷當作達。閒官庭院最宜秋。詩人老去神偏王。那便皤然雪滿頭。

舊恨新愁一例刪。醇醪真可駐朱顏。北海孔文舉。

江南庾子山。名士療饑何似餅。參軍噉肉故應靈。健兒老去能行炙。呼向燈前看箭斑。

閱世紛紜念轉灰。百年何事可低徊。已搜絮語焚千首。但少愁眉唱一杯。讀史常披名宦傳。論詩難得出羣才。下僚自許沉淪久。不用山公啓事來。

老來兄弟別懷紆。各、淹留仕宦途。故里田廬何處有。家人
圖史一時俱。風流久著梁鴻案。月滿應生老蚌珠。不露文章
衰颯氣。坡翁原自解歡娛。

謫宦拘囚晝漏沉。具餐支榻護持深。敢言縲紲非其罪。不
忍顛危見此心。漢法本寬欣解網。楚囚潛泣替霑襟。聖朝
多少詳刑意。都入陽膚擁鼻吟。

秋簾生意被芳蓀。想見他時駟馬門。不道難羈萍梗跡。又來
共倒菊花樽。十年父執家庭似。竟日賓筵語笑溫。已識明年隔
千里。酒闌能不各銷魂。

題戴笠小影

青山窈窕石嶙峋。秋樹根頭著此身。無數江南好。卽就中
難得是閑人。

棕鞋桐帽自行歌。世事都歸春夢婆。他日名心拋擲盡。借
君臺笠配魚蓑。

頭上何須漉酒巾。不開口笑亦癡人。請局促乘車者。可及逍
遙戴笠身。

寄荅王鳳喈同年

鳴盛

受銘擇石偕康古。鼎足駕湖振後塵。都道君才倍曹丕。
汝推吾派異居仁。相思幾看三秋月。同舉真慚十載身。合誦
來詩銷永日。亂頭粗服且因循。

高名江左踞詞場。七子中吾識二王。久謂鳳喙才足霸。新知
琴德骨俱香。宮花閨苑人爭艷。秋柳明湖客自傷。一樣

古今鴻雁影。向風容易不成行。

年來事。厭形摹。祗覺前賢此意孤。徒作詩人心頗倦。

看。約。談。李。杜。不。知。誰。可。見。黃。蘓。○此首雄傑可為情夜仍
是凌韻以核字為空也

祗服新粧悅世姿。蒼山古雪是吾師。心頭已得皈依處。筆

下當非少壯時。甘苦趣分流。輩笑酸鹹味合。故人知爭名

拔。懺。憑。餘。子。冷。眼。吾。看。死。者。旗。

太平園題詞

太平園題詞

龍門筆與廬陵筆。佞幸伶官各著篇。恥罵當時偽君子

細人軼事且流傳。

女子都為悅己容。伶工狎比偶然同。若教識字知倫紀。

一轉移間可教忠。

伯樂方歎遇本難。求之此輩亦辛酸。詞人自笑無知己。莫

作尋常穢史看。

聞見。見。幻。烟。雲。竊。寫。中。郎。作。虎。賁。只。恐。罪。言。傳。唱。後。有

人私怨杜司勳。

焚券記題詞

拋琴倦倚王元景。傳粉去為馮子都。卸却雲翹驥駿馬

○荏黃源本李杜
杜多并蘇黃元
不必強分疆界

各行其是
古之
譚李杜者給

○蘇黃於唐
賢之上
居海柱
區正僕不謂也

未免感憤太
深

三字

可憐仍是霍家奴

鸚哥學語話喁，借手條鈴乞放鬆。不用曹公費金帛。

一言能贖失身儂。

顧盼誰當一笑春。就中虬髯獨嶙峋。忽教碧玉迴身拜。

艷煞觀場衆矮人。

陶然亭子壓城偏。一老風流據上筵。可惜新聲傳唱晚。

不曾親付李延年。

駢肩接席鄭櫻桃。能乞公卿一字褒。却笑人中無呂布。讓

他赤兔耳輪高。

寄荅宋桐門

五疊離音淚兩行。鬢毛真欲點秋霜。惺惺共惜貧非病。踽

踽相從狗亦狂。畫地曾譏名士餅。蹴蔬猶夢大官羊。年

時兄弟晨星似。半落天涯半故鄉。

塞外詞吹感粟秋。行邊霜滿黑貂裘。弓衣舊繡人爭

唱。露格藏書婦自收。聚鐵大都難鑄錯。樹萱那得便

忘憂。蕭條合買雛姬伴。可要偎寒半臂不。

抖擻青衫胄子師。霉痕黯淡上臯皮。泥塗步屨年光

負。風雨高樓壞榻支。眼底功名東郭履。春來杯炙少陵

詩。叩門許乞先生饌。不忘危欄點筆時。

殘荷捲盡柳佒垂。露坐平臺襍笑悲。尚論相期孤月聽。

凡此皆宋詩
病至五所
取指

讀書何事列星知。才華刻鵠真無益。骨相當官定有為。難得數行身後傳。容深愧董生。惟一樣飛鴻。點雪泥。無憑。毀譽獨栖。同宮。可是逢磨蝎。多口何曾玷。貉稽。久客心腸俱木石。歸人踪跡。襍鳥驚朝衣。典却塵生硯。空對春山雨一犁。

寄懷表超然麟孝廉

翩然風度似吾師。酒戰詩盟讓主持。士到長安爭識面。爾逢詞客最開眉。踏青繡馬城南見。落筆春蚕座上推。一別春郊倍踈懶。閉門風雨負花時。

打名賦罷帝京篇。下第悲秋亦可憐。白晝自消文字飲。青

雲誰倚弟兄肩。膝前嬌女珠橫掌。硯側香奩玉有烟。好覓

饒公霽酬軟語。棗花簾底日周旋。

頓覺晴天減鴈行。北車南馬幾人強。露衣自洒黃墟淚。楊子

載饒成西俱先後下世側帽俄驚綠鬢霜。季偉加貧鷄漸缺。索駝新浙

圃全荒。時老僕某亦祖落花時候多懷舊。只是無言坐夕陽。

尋師小艇泊鴛湖。省香樹師于嘉興深喜維摩舊疾蘓。老屋三

間虛竹石。新詩一卷念生徒。揮毫落帔神猶王。問舍求田計

絕無欲。家人同辟穀。荒庄能不愧潛夫。

寄家作梅太史楫

秋牕扶夜氣。遣悶話齊諧。蠟淚猶霑袖。談松已落釵。江湖

轅駒

思別酒。風雨念吾儕。杳々長安夢。清魂墮小齋。

干霄憑彩筆。麗藻匹嚴徐。定有新恩及。應知舊疾除。趨

庭辭直後。問夜早朝餘。只有盧端老。常同薄笨車。

司香教侍女。戒旦托賢妻。鴻案看擎舉。周南共品題。袖歌

鳴鳳竹。節扣駭雞犀。若要徐陵序。還應寄赫蹏。

轅駒方脫鞅。辛苦伴歸人。母老無甘旨。官微等賤貧。艱難

求仕宦。潦倒負星辰。空有秋帆約。憑誰指去津。

題徐蓋山文弼東湖宦路圖

山水清緣結亦難。頭銜小駐豈無端。何當官滿匆去湖。兩湖
烟畫裡看。

衙齋面。落空明。不染纖塵一絲清。贏得城中腰笏者。偷閒

來聽誦經聲。

簫管圖書載兩頭。門生兒子伴勾留。扶持不用肩籃筍。十

里柔波一葉舟。

芳汀酒醖畫船詩。曾向鄱陽歷歲時。斜日漁歌猶在耳。披

圖那得不相思。

塌翼青冥對可憐。素乾送尔着歸鞭。不應早縛塵纓去。

消受湖光又兩年。

暫與漁郎話水涯。斯官何得有斯懷。芝城後日添圖志。補畫

蘓湖教授齋。

料理前驅自此忙。好留清俸買滄浪。人間豈少佳山水。只恐并州異故鄉。

塔影鐘聲未可留。箇中難別是鳧鷗。他時雪壁尋初蹟。讀盡公餘當卧遊。

○ ○ 百花洲宴集。

邛壑墮人境。獨為勞者寶。因向覓嘉會。不忍厭枯槁。笙歌滿廊榭。冠蓋都艸。來為文字飲。用以足幽討。喧耳頓聾。鑿冰形忽倒。已忘塵字偈。未覺高城繞。危徑朝露洗。積葉夜風掃。同雲匿輕旭。澄汰淨寒潦。食鼎濟水火。鴈檣打魚鱉。荒禱坐素拘。檢行杯滌頓。慳。

朋簪盍十人。老輩惟一趙。丈人梁苑客。浩氣難屈撓。待書敵王公。文字為高考。低頭友小生。剛健出初窕。居然脫世械。尚志一何狡。汪生如我兄。十載同學道。至味漸盈臆。浮情已難擲。瀟基奉二見。郊愈故及鳥。及此共寐寔。動衆戒閒謾。朱生季路徒。骨鯁視人藐。緼袍抗狐貉。襟被甘嫉媚。二表娘機重。華實為裏表。葉生今時彥。標格最清皎。危生与李生。各各多文藻。借遊翰墨場。意頗輕謝鮑。他年騁逸足。人乃從腰裏。吾儕未衰頽。對之愧蒼老。主人江左王。初辨椰椰稻。清裁發蘭香。信誓過江裏。可憐同學翁。輕肥豈為少。抱徑歷憂患。淪落傷懷抱。邀。

仰視真字
我躬亦太
小如石
大如石

頭樂友生引類半郊島。我亦雖世間。但覺直而後。臣罪自
知。不若語傷巧。人生如月魄。焉得無胸臆。強懷与弱念。盈
缺。微莫保。誰能固秦楚。而不憂舒夢。妄求原可耻。行樂
不妨勦。湖淺聚納器。頗惜物命夭。叢疎遠。接出巢。鷓暮
鴉。情人家。遍掩抑。臺肉互纏。柳。曠。色。動。石。根。竹。情。散
林杪。醉寫西園圖。留付後賢收。

霧菊

無言只合倚斜陽。誰遣水綃冒冷香。領取高人踈散意。不
分明。處。益。蒼。涼。

以維邊人漫惜沉埋。只笑西風吹不開。絕似傳神阿堵裡。輕
雲微蔽日光來。

由来意態畫難全。瘦影如人亦自仙。記得新羅裁步障。
懣耐金堂畔。一層烟。

寫到秋容真未闌。画師應是老年看。風欺雨妬紅如雪。
只好模糊耐歲寒。

挽友人

顏丁孤露善居喪。學道凄然警枕旁。剗臂早傳點孝子。
燃燈曾頌粵循良。仁人政美魚遊水。儒吏風和雉繞桑。十

六年中遺愛永。故應垂泪南海香。德教深醇惠澤多。放囚决獄驗漸摩。青山遮挹浮邱袂。

絕妙交世法
居官互不可不
知

赤子爭傳。薤露歌。海。咽。波。濤。千。騎。轉。鶴。凌。參。井。一。星。
過。見。孫。圭。祖。如。森。竹。南。越。珊。瑚。奈。此。何。

題某小照

人生幾兩履。勝地一枝筇。出作浮雲客。曾聽九曲鐘。名山
助高咏。清夢落層峰。不記塵中暑。熏人似酒醲。
廿載南翔。飄零感亦深。江山都在眼。寒煖自傷心。不可歌
招隱。依然負苦吟。輸君茆屋下。消受一林陰。
買山難結屋。觸熱倍憐渠。桐覆三間屋。涼生一卷書。聽泉
參道味。習靜愛吾廬。安得携巾篔。同君一破除。

題袁維川洪陽洞紀遊詩後二首

一卷洪陽洞裏詩。御風時有羽人隨。尚將作賦凌雲手。小
著遊仙絕妙詞。

使客槎旁思往日。鈴山堂外立多時。巨靈容易藏邱壑。
經過蓬壺總不知。
後來才子數袁麟。吟遍燕臺緒陌春。小陸有兄文賦好。
故園高咏墨痕新。
忙中蠟屐拋荒久。海內名山悵望頻。從此詩壇傳謝朓。
誦君佳句一驚人。

再寄家作梅太史四首

臺館懷諸老。江湖滯此人。書來常憶昔。樽過竟忘貧。

感激叨微祿。蕭條數令辰。曾為東閣客。能不夢平津。
長日依慈母。愁眉對病妻。已非書束縛。惟有藥封題。
學負三冬案。心留一點犀。泥塗千萬里。悽惻看霜蹄。
懷人空戚。赴闕竟徐。芍藥詩應好。風騷習未除。
盧前王後得。清聖濁賢餘。豈識天南客。垂涎避麴車。
禮賢丞相最。念舊弟兄諧。不道人歸里。頻教婦典釵。
閉門雙屐爛。伏几一燈儕。失笑同周澤。山厨日日齋。

寄懷于定菴江州官舍

碧梧翠竹半庭秋。可有黃花插滿頭。應笑新涼衾鐵
早。斷腸人合住江州。

獨斷書成問蔡邕。

謂虞初

拋他宋玉在牆東。如何隔院蓮

花幕。也似羈人永巷中。

料理雙螯左手持。陶然消遣髻如絲。悼亡詩與登樓賦。

不抵江頭送客詞。

八年曾醉使君筵。

成在與甥寄飲琵琶再

塗抹題襟主客篇。檻外楊枝擔

際鷺。一回追念一悽然。

商女琵琶恨已休。小亭閒醉底須愁。新詩莫道廬山好。

君在廬山背後頭。

小飲烟江疊嶂堂分韻。

地原蕭瑟。幽人不可求。都將千里去。來作一堂秋。竹石

知前輩。江山得此樵。憑闌猶有客。何處問湯休。
各有登臨眼。其如悵惘何。偶然為主客。亦可坐烟蘿。
小醉宜寒日。低頭感逝波。他年買烟水。此意恐蹉跎。
流波去何所。我輩忽低徊。出世原無著。尋秋許一來。
勝遊當古會。寒岫抱江開。可惜東廊薛。無人掃綠苔。

再寄桐門

酒綠燈紅眼倦開。每乘寒月共登臺。自堪快意論千古。誰
要愁眉唱一杯。拍掌同觀天下事。低頭真愧世間才。此心只恐
成辜負。忙煞荒雞耳畔催。
暫棄長檠別蠹魚。丁寧婦子曝藏書。殘杯飲得先生饌。

薄板乘來待詔車。座列王孫韻種異。經傳名士韋編餘。
鬢毛昨點天山雪。辛苦斯人賦子虛。

徐慕存撫琴圖

珪璧為標格。詩書氣自華。行年初上日。妙穎欲開花。學是
趨庭後。功從習靜加。殷勤觀逝水。遲暮易興嗟。
不見成連久。聲流水石邊。飛鴻在何處。妙境自堪傳。歲
月驚彈指。心情戒改弦。虞庭盛賡和。料理八音宣。

劉教授送菊

晴窓曾共把松釵。種樹書成見古懷。花信漸傳潘岳
縣。秋光先滿鄭虔齋。無言密坐人同澹。小院移根友自

佳。頓使茆堂增爛熳。冷吟閒醉合安排。
秋實春華各一時。不嫌滂洒寄人籬。經過風日隘寒
地。成就冰霜歷落姿。官滿且携樽酒對。歲寒應共
此心持。明年手版匆匆去。可有風情理折枝。
剪取繁英插滿頭。及時行樂底須憂。六年已負看花
眼。萬里將乘破浪舟。仕宦纒紆迴難覓友。鬢毛蕭颯易
驚秋。他時料得劉中壘。感舊頻思馬少游。

題舅父蘧廬先生味琴圖

舅氏廿八我五齡。抱琴索鼓聲泠泠。七條瘦玉十三星。
不知舅氏之志在山水。但覺我母側耳低髮聽罷彈。

